

# *AMAHEBHERU,*

## *ISAHLUKO SOKUQALA*

 Futhi ukunika o—okuncinyane . . . Ngicabanga ukuthi akula okungcono, kimi, kuleLizwi nje. “Ukholo luza ngokuzwa, lokuzwa iLizwi lika Nkulunkulu.”

<sup>2</sup> NgoLwesithathu, futhi mhlawumbe ngeSonto, enye yezinkonzo yangeSonto, ukupha umalusi nje ukuphumula okuncinyane, lokho akufaneleyo sibili, futhi ngacabanga ukuthi mhlawumbe singathatha iBhuku eBhayibhilini. Sasivame ukukwenza lokho, futhi kwesinye isikhathi sihlale umnyaka kilo.

<sup>3</sup> Ngiyakhumbula ngesinye isikhathi sahlala umnyaka ogcweleyo eBhukwini leSambulo. Kodwa, O, minabo, izinto esazifundayo, futhi lokuthi kwakumangalisa kangakanani! Khona-ke sabuyela emuva futhi sathatha iBhuku likaDaniyeli, kumbe iBhuku likaGenesi, kumbe uEksodus, futhi nje silithathe lona, isahluko ngesahluko, futhi liyabopha nje iBhayibhili lonke ndawonye. O, ngiyakuthanda nje lokho!

<sup>4</sup> Emva kwesikhatshana, kuzafanele sithole i . . . Nxa iNkosi iqhubeka ukubusisa futhi siye phambili, sizangena kwezinye izinto eejulileyo sibili phakathi lapha, eejulileyo sibili. Futhi sizahamba nje indawo ngendawo, eMbhaweni, lakho.

<sup>5</sup> Futhi ngithanda ukwenza uMbhalo uqathaniseke loMbhalo. Yindlela okufanele kube ngayo. Ngumfanekiso owodwa omkhulu omuhle. Futhi kuleliBhuku esilifundayo, sizangena phakathi, o, insindiso, lokusiliswa kwaPhezulu, lezimangaliso, lezhawu. Futhi o, yonke enye into ingena phakathi lapha.

<sup>6</sup> Futhi mhlawumbe lapho ngifikasi endaweni lapho okumele ngyiye emihlanganweni . . . Angila lwazi nje ukuthi kunini engiyakuba khona emhlanganweni, ngibizwe emhlanganweni, ngoba angila lutho oluhleliwego ngize ngizwe nje ngikhokhelwa ukwenza into ethile. Futhi lokho kungaba kungakasi, ngingandizela eCalifornia, ngize ngiye eMaine, kumbe kwenye indawo, lapho nje Azangibizela khona. Yiso isizatho ngingahleli ezinkulu, inhambo ezinde, ngoba angeke ngikwenze lokho. Inkonzoo yami kayiqunywanga ngaleylo ndlela, futhi yahlukile nje.

<sup>7</sup> Futhi manje ngibuya ngekhaya ukuzophumula kancinyane nje. Ngilahlekewa ngamaphawundi angamatshumi amabili, kulumhlangano wokucina. Futhi uMfowethu Mercier loMfowethu Goad bebekhona, isikhatshana esedluleyo, futhi

bathi, "Mfowethu Branham, ngiananzelela lokho okwenzayo. Ubeka inhliziyo yakho yonke kikho."

<sup>8</sup> Ngathi, "Yiyo indlela kuhela ongenzela ngayo iNkosi uhlobo lomsebenzi oqondileyo, yikubeka konke olakho kube phambili ngoKhristu; amandla akho wonke, umphefumulo wakho wonke, inhliziyo yakho yonke, ingqondo yakho yonke, yonke into olayo." Lapho usenza ulutho, lwenze kahle kumbe vele ungalwenzi lakancinyane, bona, lutshiye nje lunjalo. Nxa uzakuba ngumKhristu, beka yonke into olayo kuKhristu, lokho, yisikhathi sakho, isipho sakho, into yakho yonke.

<sup>9</sup> Nginanzelele nje lumfo omcinyane. Lowo ngumkakho, Mfowethu Burns, yikho na, lokho kukhalisa lokuhlabela laphana, laba ababili abatsha. Futhi—futhi kayisiyo ipiyano, njalo akusiyo ogani, kodwa kungolunye uhlobo lokukhaliswayo, bayayikhala intambo futhi bayifice, futhi benzele iNkosi ulutho. Mhlawumbe ungakwenza lokhu, futhi uhlabele, lokho, yikuzuza imiphefumulo. Yenza ulutho, kungela ndaba. Nxa u—ungatshaya ukhwelo, awu, tshaya ukhwelo. Yenza nje olunye ulutho. Fakaza nje, kumbe uwenzele uMbuso kaNkulunkulu ulutho. Loba yini olakho, kukeke ekusetshenziselweni inkonzo kaNkulunkulu.

<sup>10</sup> Manje, asisoze sizame ukuhlala isikhathi eside, ngoba ngiyakwazi liyasebenza. Kufanele liphangise ukuvuka. Futhi ngiyazingela osinti ukusa konke. Ngizalitshela nje iqiniso. Yikho lokhu engikwenzayo. Yikho lokhu engikubuyele ekhaya, yikuphumula kancinyane. Futhi khona ngiyavuka, ngokungaba ngelesine nta, futhi ngisiya phandle egangeni futhi, awu, ngizingele kancinyane futhi ngihambe ngiyelala. Futhi sengisengeza okunye kwaleso sisindo, ngakho ngizaphumula, emva kwesikhatshana, nxa u...iNkosi ithanda. Futhi yonke into ilungile.

<sup>11</sup> Kulungile, khathesi, sizakuvula amaBhayibhili enu. Ngifuna lilethe amaBhayibhili enu ubusuku ngabunye, ukuthi li...lapho liselenisa. Nxa omunye engela amalutshwane, omunye engafuna ukulandela okubalwayo, silawo amanye lapha, sizakuba la... abanye bama asha ukwanikeza. Ukhona ofuna elilodwa na? Awu, phakamisa isandla sakho nje.

<sup>12</sup> Kangazi nxa uMfowethu...Doc, ungaruya lapha futhi uthathe amaBhayibhili lawo. Ume eduzane lapho, loMfowethu Burns. Ngabe kunjalo, Burns? Ngimuzwe esithi...[Um]fowethu uthi, "Conrad."—Mhl.] Ini? ["Conrad."] Conrad. Ngambiza... Ngingani sengisizwa nzima, mhlawumbe, Mfowethu Neville. Ngalithola njani ibizo lika Burns? Ngiyabazi ubuso baleyo ndoda, futhi kangingeke nje, angenelisanga ukubiza ibizo lakhe.

<sup>13</sup> Futhi liyazi, lapho usiba mdala kancinyane, ngithola into eyodwa, kunzima kimi ukubala iBhayibhili leli. Futhi

ngiyakuzonda nje ukucabanga ngokugqoka amangilazi, ukubala iBhayibhili.

<sup>14</sup> Kodwa, lapha kungasi kude, ngangicabanga ukuthi ngasengisiba yisiphofu. Futhi ngaya ukuyabona uSam. Futhi uSam wathi, “Bill, kangazi.” Wathi, “Ngizakukubekela isikhathhi nje ukuthi ubonane lengcwethi.”

<sup>15</sup> Ngaya eLouisville. Kufanele ukuba kwakuyintando yeNkosi. Enye ingcwethi edumileyo; Ngiyakhohlwa ibizo lakhe manje. Kodwa wayebale ibhuku lami. Futhi wathi, “Nxa ungabuyela eAfrica, ngifuna ukuhamba lawe.” Wathi, “Futhi nxa u... Labo bantu baseAfrica bayakuthanda.” Futhi wathi, “Bayacabangela kakhulu, ikakhulu ngenqamu, ukusikasika. Ngakho,” wathi, “Ngifuna ukunika inyanga eziyisithupha zempilo yami, okokuhlinzwa kwamaxolo amehlo lezinto, eku... kumishini.” Futhi wathi, “Nxa singahamba sonke, njalo sithole ukuthandwa yibo, njenga lokho,” wathi, “khona-ke nxa bebelamaxolo emehlwani lemisebenzi yamehlo,” wathi, “Ngingathanda ukukunika, kungela mbadalo, inyanga eziyisithupha zakho.” Futhi ngiyakhohlwa ukuba kufanele ulindele isikhathhi eside okungakanani ukubonana laye.

<sup>16</sup> Futhi sasislezi ekamelweni elincinyane futhi lalilo kuncane—kuncane ukukhanya okubomvu okwabuyayo, emuva-le ekamelweni elimnyama. Ngani, ngangisenelisa ukubala lawo mabala. Kwathi matshumimabili-matshumimabili. Ngangikubala ndlela zonke. Futhi wakufaka kutshumilanhlalu-tshumilanhlalu, futhi ngangisenelisa ukukubala. Futhi ngakubeka khona kutshumi-tshumi, futhi ngangisenelisa ukukubala. Wathi, “Awu, akula okubi kangako ngamehlo akho.”

<sup>17</sup> Ngakho wayele teleskopu encane. Wafaka okungumtshina okuncane ngemuva lapho, into encane, liyazi. Lawo mateleskopu amadala, bangaki abawakhumbulayo? Sasivame ukukhangela ngawo, ukukhangela imifanekiso, njenga lokho. Futhi wathi, “Ungakubala lokho?”

Ngathi, “Yebo, mnumzana.”

Wasesithi, “Akungibalele khona.”

<sup>18</sup> Kwakule, o, indima yonke, ephosa ukuba njenga *lokho*. Ngaqala, ngakubala; waqala ukukudonsela phezulu, njenga *lokho*, ngiphuza futhi ngiphuza. Wasefika kwaba phose njenga *lokhu*, ngama. Wathi, “Ngingakutshela into eyodwa, usudlule amatshumi amane.”

Ngathi, “Yebo, kunjalo, kade ngedlula.”

<sup>19</sup> Wathi, “Ukwenze kanjani?” Wathi, “Ilihlo lomuntu, ngokwemvelo, lapho ufika iminyaka engamatshumi amane ubudala, njengenwele zakho ziba yimpunga, lokunjalo, inhlamvu yelihlo iyacima.” Wathi, “Manje, nxa ungaphila

isikhathi eside okweneleyo, lokho kuyaphenduka njalo.” Wathi, “Lokho kubona kwesibili, bakubiza njalo. Kodwa,” wathi, “umuntu, ongaba leminyaka engamatshumi amane ubudala, ngeqiniso baza . . .” Wathi, “Akula nto embi ngamehlo abo.”

<sup>20</sup> Nginga—ngingalubona unwele nxu lughansi esibuyeni, ngilususe kimi. Kodwa sondela duze lami . . . Futhi wathi, “Khathesi, uyabala iBhayibhili lakho,” wathi, “uyalifuqela khatshana lawe.” Wathi, “Emva kwesikhhatshana, ingalo yakho kayisoze ibende okweneleyo, uze ungasenelisi—ungasenelisi ukuyiyelula kude okwaneleyo ukuze uyibambe.”

<sup>21</sup> Futhi-ke wangenzela amangilazi, futhi ingxenyne yangaphansi ungenelisa, ngeyokubala. Wathi, “Manje, kuhuluphithi yakho . . .” Wayecabanga ukuthi ngingomunye walaba abatshumayeli abaphakemeyo abalapha, liyazi. Futhi-ke wathi i . . . wena . . . Ingxenyne yaphezulu lingilazi elijwayelekileyo lamafasitela, ingilazi elijwayelekileyo nje. Futhi ingxenyne yaphansi ilohlobo lokubazwa kikho, ukuthi ngingabala ngiseduzane, liyazi, njenga *lokho*. Ngakho ngiyazonda ukuwagqoka; ngiyazonda.

<sup>22</sup> Futhi manje, ekufundiseni kweBhayibhili, futhi ngile Thestamente eliTsha lobibusuku. Ngakho ku . . . Ngile Thestamente eliTsha likaCollins futhi lilamabala alingeneyo okuhle. Kodwa manje, lapho ngibuyela kwelinye, ngi—ngingabuyela kubangane abadala, futhi—futhi ngingathi ngibale ngawo. Kodwa loba yini okuyikho, ngi—ngiyathaba ukuthi ngilenye into e—engisayenelisa ukuyibala. La—la—laloba yini engilakho, ngizanika wonke umuntu into yonke engiyenelisayo, enkazimulweni kaNkulunkulu, ngithemba ukuthi Uzakhupha leso siboniso sokuluphala asisuse. Angeke ngimcele ukuba asuse ubudala bami. Ngi . . . Yebo, yinto nje eyodwa sonke esifanele siyenze. Kufanele sedlule kulokho. Futhi ngiyazi kangisuye mfana omncane njengalokho engangivame ukuba yikho, ngimi lapha kupulathifomu. Ngileminyaka engamatshumi amane lesificaminwembili ubudala. Futhi cabanga nje, eminye imnyaka emibili, ngizabe sengilemnyaka engamatshumi amahlanu ubudala, Mfowethu Mike.

<sup>23</sup> Minabo, ngikukholwa kanzima! Nje ngi . . . Angibanga kwazi ukuthi sengidlule amatshumi amabili kwaze kwaba yiminyaka emibili edluleyo. Kunjalo. Kunjalo. Nje ngi . . . Angizange ngikukholwe. Futhi kanti ngi—nги . . . Kunzima kimi ukuthi ngikukholwe ngize ngikhangale esibukweni, futhi-ke ngi—ngiyazi ukuba yikho, khona-ke. Kodwa—kodwa ukuba ngikhangale nje, ngizwa kahle njengalokho ebengahlala ngikuzwa empilweni yami, futhi ngilokubonga ngalokho, futhi. Uduomo lonke kalube kuNkulunkulu.

<sup>24</sup> Manje, sitaditsha iBhuku lamaHebheru. Sekube . . . O, ngelineye lalawo ajulileyo sibili, acebileyo amaBhuku

aseBhayibhilini. Ngiyalitshela, liBhuku sibili lelo eliza...Nxa uNkulunkulu evuma, futhi njalo singene kulokhu, Ngiyakholwa sizathola imbumbuluza zegolide size simemeze indumiso kuNkulunkulu sonke isikhathi. Futhi khathesi ngi...

<sup>25</sup> IBhuku lamaHebheru, lokho Eliyikho sibili, Lifanelwa ukuba lalotshwa nguPhawuli oNgcwele, umchasisi omkhulu weBhayibhili, ngiyathemba, umhlaba ongakaze ubelaye, ngaphandle kweNkosi yethu uJesu Khristu. Futhi uPhawuli wayesehlukanisa i...Manje, uPhawuli wayengumfundisi weBhayibhili sibili; okuyikuthi, iThestamente eliDala. Yilo kuphela iBhuku elalilotsiwe ngalesosikhathi, elibizwa ngokuthi iBhayibhili. Futhi wayezama ukutshengisa kumaHebheru, esehlukanisa iThestamente eliDala futhi etshengisa iThestamente eliDala liyisithunzi kumbe umfanekiso weliTsha.

<sup>26</sup> Khona lapho singabamba into eqakathekileyo futhi sihlale inyanga ezintathu khona lapho kulowo mcabango owodwa, khona lapho. Ukubuyela khona emuva, nxa singavula emaBhayibhili ethu khathesi, ngoba sikumaHebheru, isahluko 1. Kodwa nxa singavula kuSambulo, isahluko 12, belizakubona ngokupheleleyo njalo, ukuthi kanjani amathanzi. Nxa...lin a elilamapenseli enu futhi lizabhala phansi iMibhalo. Kuma Heb-...

<sup>27</sup> KuSambulo 11, siyathola ukuthi uJohane, esihlengeni sePatmosi, wabona umfazi emile ezibhakabbheni, futhi wayelelanga ekhanda lakhe lenyanga ngaphansi kwenyawo zakhe. Futhi umfazi wayehelelwa, ngomntwana owayezakuzalwa. Wazala umntwana wesilisa. Umgobho obomvu wema, ukudla umntwana lapho esanda kuzalwa. Futhi u-umntwana wahluthulelwa eZulwini, futhi umfazi wabalekela enkangala lapho ondliwa khona okwesikhathi, isikhathi, lengxenyen yesikhathi, kumbe ukwehlukanisa kwesikhathi.

<sup>28</sup> Manje, umfazi wayemela ibandla, loMntwana amzalayo kwakunguKhristu. Inyanga eyayingaphansi kwenyawo zakhe kwakungu mthetho, ilanga ekhanda lakhe kwakungumusa. Inkanyezi ezilitshumi lambili emqhele ni wakhe kwaku ngabapostoli abalitshumi lambili. Futhi kulapho, kukho lokho... Abapostoli abalitshumi lambili kwakuyinkazimulo kumbe ukwetheswa umqhele weThestamente eliTsha. Bona? "Ngoba akula ezinye izisekelo ezingabekwa kula lokho osokuvele kwabekwa." Bona? Sona, isiSekelo, i-iThestamente eliTsha, abapostoli, iMfundiso yabapostoli, lokunjalo, ngumqhele wokusungulwa kweThestamente eliTsha. Futhi ke khona e...

<sup>29</sup> Inyanga yisithunzi selanga. Ilanga litshengisa ukukhanya kwalo lapho lingemuva komhlaba. Futhi inyanga inika ukukhanya, okokuhamba ngakho, ebusuku. Futhi ngumfanekiso

omuhle kanjani esilawo lapha, omunye umfanekiso omuhle: ilanga limela uKhristu; i—inyanga imela iBandla. Kunjengomfazi lendoda. Futhi lapho uKhristu engekho, iBandla libenyezelu ukuKhanya okuncane, iVangeli. Futhi yi—yikuKhanya okokuhamba phakathi kwakho kuze kuthi iNdodana ivuke njalo, khona-ke iBandla leNdodana, inyanga lelanga, kuhlangana ndawonye. Bona? Inyanga yingxenyelangana, futhi iBandla liyingxenyelangana kaKhristu. Futhi lapho uKhristu engekho, iBandla libenyezelu ukuKhanya Kwakhe. Futhi-ke impela njengokuba sibona inyanga ikhazimula, iyakwazi ilanga liyakhazimula kwenye indawo. Futhi ingqe iBandla libenyezelu ukuKhanya kukaKhristu, uKhristu uyaphila kweyinye indawo. Ameni. Kucabange.

<sup>30</sup> Manje, umthetho wawungumfanekiso womusa, kodwa umthetho wawungela mandla okusindisa kiwo. Umthetho kuphela wawuli... Umthetho wawulipholisa. Ipholisa liyakufaka entolongweni, kodwa, uyabona, kwathatha umusa ukukukhupha entolongweni. Bona?

<sup>31</sup> Ngakho iGazi likaKhristu, iVangeli, liyasikhulula esonweni. Umthetho usenza sibe yizoni kuphela. Umthetho wathi kuphela, "Uyisoni. Ungantshontshi. Ungafebi. Ungafakazi amanga." Bona? Lipholisa elithi uphambanisile futhi ulecalala. Kodwa iVangeli yindaba ezinhle. UKhristu wafela ukusisindisa eziphambekweni zethu zonke, ukweqa umthetho. UKhristu wafela ukusiphumisa.

<sup>32</sup> Manje, uPhawuli, esanda kuphenduka, akabuzanga loba yiphi iseminari, loba ukubuza noma baphi abatshumayeli. Kodwa linanzelele na? Wehla phansi eArabiya, futhi wayelapho okweminyaka emithathu, eArabiya. Manje, lokhu ngokwe, ngombono wami, ukuthi...

<sup>33</sup> Khathesi, kufanele sithole isisekelo salokhu, khona sizakuba kwazi ukuthi kuqakatheke okunganani. Futhi isifundo sokuqala, lobubusuku, sithatha isisekelo sethu.

<sup>34</sup> Manje, uPhawuli waye ngumfundisi weBhayibhili sibili, ngoba wafundiswa ngaphansi kwalowo omkhulu, uGamaliyeli owayedumile sikhathi sonke. Futhi wayengomunye wabazakalayo kakhulu bosuku, lowo mfundisi omkhulu womthetho labaprofethi. Ngakho, uPhawuli wayefundiswe kahle entweni lezo.

<sup>35</sup> Futhi-ke ngimthanda ngalindlela, lesisambulo esikhulu, ethembekile enhliziyweni yakhe, umbulali, wavumela ukufa kukaStefani futhi wabona uStefani esifa ngaphansi kwamatshe lamagade okukhandwa aze afe. Ngicabanga ukuthi kufanele ukuthi kwambamba uPhawuli lapho ebona uStefani ephakamisela izandla zakhe eZulwini, futhi wathi, "Ngibona amaZulu evuleka. Ngibona uJesu emile esandleni sokunene

sikaNkulunkulu.” Futhi wathi, “Baba, ungabeki icala lesono kibo.” Futhi waselala.

<sup>36</sup> Likunanzelele lokho na? Akafanga. Walala. Njengo... Angikholwa ukuthi walizwa elinye ilitshe. Njenge ngane esifubeni sikanina, ilala, uStefani walala engalweni zikaNkulunkulu.

<sup>37</sup> Kulenye into, mayelana ngoPhawuli, eyambambayo. Khonake yena, loba nguphi umuntu ongaphansi kokuhlabeka, ezama ukuKulwisa, uyagiqika kumpristi omkhulu futhi athole incwandi. Wathi, “Ngizabopha bonke abantu ababanga wonke lowo msindo, lalezonhlanya;” okwakubalwa, lokho esingakubiza lamuhla, olunye, “uhlanya olwedulisa amalawulo,” kumbe olunye ulutho olunjengalolo, besenza umsindo omnengi futhi bebangela isiphithiphithi. “Sizakwehla phansi nje futhi sikulungisise.”

<sup>38</sup> Futhi endleleni yakhe esehla, endala encane...hatshi umgwaqo omkhulu njengalowo esihamba kiwo. Futhi yona imigwaqo yePalestine, indledlana ezincinyane nje, njengendledlana zenkomo phakathi kwezihlahla lapho inkomo, lezimvu, lamabhiza, labobabhem, lamakamela, ahamba ezintabeni.

<sup>39</sup> Futhi uPhawuli, endleleni yakhe esiya eDamaseko, sokusiba yimini, ngolunye usuku, ukuKhanya okukhulu kukhazimula phansi futhi kwamtshayeleta phansi. Akula muntu owaKubonayo kodwa uPhawuli. Ngifuna likunanzelele lokho. Futhi khona lapha, lokhu akuqondananga lomuntu manje, kodwa nje ukuthi sikhokhelela kulesisisekelo. Ukuthi lizakubakwazi ukuthi lowo Jesu ofanayo... .

<sup>40</sup> Manje, lapho Esaselapha emhlaben, Wathi, “Ngavela kuNkulunkulu, futhi Ngiyabuyela kuNkulunkulu.”

<sup>41</sup> Manje, lapho Ekhokhela abantwana bakoIsrayeli, Wayeyi Nsika yoMlilo. Futhi Wensiwa wabayinyama, khona-ke Wabuyela kuleyo Nsika yoMlilo efanayo. Futhi lapho Ehlangana loPhawuli endleleni esiya eDamaseko, Wayeyileyo Nsika yoMlilo, lokho kuKhanya, bona, ukuKhanya okukhulu. Futhi uPhawuli wathi, “Ngubani Lowo engimhluphayo?”

<sup>42</sup> Wathi, “Ngingu Jesu, Lowo omhluphayo,” ukuKhanya. O, Akamangali na?

<sup>43</sup> Futhi nango Elapho, lobubusuku, khona lapha kanye lathi. Waba lomfanekiso Wakhe owathathwayo khona lapho, Into efanayo, bona, Insika yoMlilo, ukuKhanya, njengokufanayo lalokho Ayeyikho, “Ofanayo izolo, lamuhla, lanininini.”

<sup>44</sup> Manje amadoda ayekanye laye kawazange abone lokho Kukhanya, kodwa kwaKukhona nje ngokufanayo. Impumela inika okufanayo.

<sup>45</sup> Manje, kungenzeka ukuthi—ukuthi omunye umuntu engabona uKhristu kulesi isakhiwo futhi kungela omunye oMbonayo? Sibili. Kwenzakala lapho.

<sup>46</sup> Kwenzakala njalo ngobunye ubusuku lapho uPhetro esentolongweni. Futhi lokho kuKhanya kwangena entolongweni, futhi kwathinta uPhetro, futhi kwahamba khona kumlindi ongaphakathi, umlindi ongaphandle, kwahamba esangweni, isango elikhulu, lesango ledolobho. UPhetro wathi, “Kufanele ukuthi bengiphupha.” Kodwa wathalaza, kodwa ukuKhanya kwakungasekho; uKhristu, lowo olaPhakade, ukuKhanya okungapheliyo. Nango Lapho. Manje, endleleni phansi...

<sup>47</sup> Futhi khangela, enye into, nxo besingakhuluma ngalokhu, kubuye nje enqgondweni yami. Kodwa izazi zalandela iNkanyezi, indlela yonke zivela eIndia, ilizwe laseMpumalanga, izinyanga, bengena ezihotsheni lasezinkangala (bedlula iziboniso zokuphezulu; futhi bagcina isikhathi sobusuku ngezinkanyezi) Futhi akula owezemba kumbe owake wakhuluma ngokubona leyo Nkanyezi kodwa izazi. Kwakwenzelwe bona ukuthi baYibone.

<sup>48</sup> Ngakho ungabona izinto omunye umfo angeke azibone. Kuwe, Kuqotho. Kuye, abakuzwisi. Njengokuphenduka; ungaphenduka futhi ukholisa izibusiso zikaNkulunkulu, unatha nje—nje ezibusisweni zikaNkulunkulu. Futhi omunye umfo, ohlezi eceleni kwakho, “Angiboni lutho.” Bona? Bona? Yikho. “Angikutholi nje. Angiboni ukuthi kumayelana ngani.” Awu, kakutholi Khona nje. Yikho kuphela. Lapho, okhona.

<sup>49</sup> Nanzelela manje, uPhawuli esendleleni yakhe esehla. Futhi khonapho lesisehlakalo esikhulu sisenzakala kuye... Manje, wayengasuthisekanga... Yikho okwenza uPhawuli abemuhle kakhulu.

<sup>50</sup> Manje, isifundo sethu lobubusuku asijulanga. Yisifundo esingajulanga, kodwa, o, sizangena kokujulileyo, emva kwesikhatshana. Kodwa lesi yisifundo esingajulanga sibili, kodwa siyaqala nje. Lokuthi siyini, siyinto eyodwa, lokho yikuphakamisa uJesu Khristu. UPhawuli, okokuqala.

<sup>51</sup> Futhi engakenzi lokhu, uPhawuli wayeyisifundi seBhayibhili. Futhi isifundi seBhayibhili asisoze seyamise imfundiso yaso phezu kwezehlakalo. Hatshi, mnumzana. Kabasoze beyamise imfundiso yabo phezu kwezehlakalo. Ungaba lohlobo bani lwesehlakalo. Kodwa kufanele sibe yi-ITSHO KANJE INKOSI. Kuqondile.

<sup>52</sup> Manje, kuThestante eliDala, babelendlela ezintathu ezechlukeneyo abangabakwazi umbiko. Okokuqala, umthetho, lowo kwakungu mthetho nje. Khona-ke, babelo—lomprofethi; umphuphi; futhi babele Urimi Thumimi. Manje lokho kungabe kujulile kancinyane.

<sup>53</sup> IUrими Thumimi yaye iyisambatho sesifuba uAroni ayesigqoka esifubeni sakhe. Phakathi lapho kwakulamatshe alitshumi lambili: ijaspa, isardiyasi, carbuncle, lokunjalo kusiya kusehla. Bonke bathola amatshe amakhulu alitshumi lambili, ayephakathi kwesambatho sesifuba, kutshengisa ukuthi wayengumpristi omkhulu wezizwe zonke, izizwe ezilitshumi lambili zakoIsrayeli. Lesi sambatho sesifuba salenga phezu kwensika ebandleni. Futhi lapho umprofethi eprofetha, futhi babefuna ukuqiniseka ukuthi kwakuyikho, kumbe hatshi, abaprofethi kumbe abaphuphi babesima phambi kwaleyi iUrими Thumimi, futhi akhulume iphupho lakhe kumbe umbono wakhe, loba ini ayekubonile. Futhi nxa ukuKhanya okuNgewe...O, liyakubona na? UNkulunkulu wayehlezi ehlala esigabeni sokukamoya. Ingxubengxube, ukukhanya lokho, kwakujwayelekile kuze kuthi lelilizwi liphume. Futhi lapho ilizwi litshaya lawo matshe, nxa kwakungayisikho okuphandle kwemvelo, kwahlala kuthule. Kodwa nxa kwakuphandle kwemvelo, ukuKhanya konke lokho kwakubenyezela umbala womchilo wamakhosikazi ndawonye. Ameni. Khona-ke, lowo kwakunguNkulunkulu ekhulum, “Lowo ngumprofethi Wami.” Kumbe, “Iphupho leli livele Kimi.” Kwakumayelana ngeUrimi Thumimi ababesahlulela ngayo.

<sup>54</sup> Khumbula uSawuli lapho ehleholele emuva? Wathi wayengasakwanisi ukuba lephupho. Futhi umprofethi, uSamuweli, wayesefile, futhi kwakungela ndlela. Wathi, “Loba iUrими ayisa khulumi ngitsho lakimi.” Akulalutho. USawuli wema phambi kweUrimi, lamazwi akhe ayeyize. Bona? UNkulunkulu wamala nje. Futhi leyoUrimi Thumimi, kwakuyisi qiniseko sikaAroni sobupristi bakhe. Emva uAroni esehambile, uMose, i—isambatho salenga ensikeni.

<sup>55</sup> Manje, ubupristi bukaAroni baphela lapho uJesu esifa. Futhi manje, wehlukanisa umthetho emuseni, silokhu sisasele Urimi Thumimi. Futhi uPhawuli wayeyisebenzisa. Bona? IUrими Thumimi lamuhla ngelikaNkulunkulu Elingabhubhiyo, elilaPhakade, iLizwi elingapheliyo. Bona?

<sup>56</sup> “Ngoba lowo ozaphungula ulutho kuleliBhuku, kumbe angezelele ulutho Kilo.” Kangifuni lutho ngaphandle Kwalo, kodwa ngifuna konke Elilakho. Yilo iBandla esilifunayo. Futhi zonke izinto kufanele zifikazwe ngeLizwi.

<sup>57</sup> Yiso isizatho ngabamba iphutha manjemanje phakathi kwabantu bamaPhentekhostali, ngoba, ngisithi, “Ngangingazwisi lapho amafutha ephuma ezandleni zakho, kumbe igazi ebusweni bakho, kwakuyisibonakaliso sokuthi uloMoya oNgewe.” Lokho akukho eMbhaweni futhi a—angizange ngenelise ukukuthatha. Kufanele kuvele eLizwini.

<sup>58</sup> Futhi manje, uPhawuli, wayelithanda nje iLizwi. Ngakho, ngaphambi kokuba afakaze lesi sehlakalo esikhulu ayelaso,

wehla eGibhithe okweminyaka emithathu. Ngiyakholwa kwakuyiminyaka emithathu, iminyaka emithathu phansi eGibhithe. Futhi uyazi lokho engikholwa wakwenza? Ngiyakholwa ukuthi wathatha iThestante eliDala, wahlolwa kuThestante eliDala, futhi wafumana ukuthi Lowo wayenguMesiya uqobo. Wayemele afakaze isehlakalo sakhe ngeBhayibhili. Ameni. O, minabo!

<sup>59</sup> Mkhangele lapho esentolongweni. Uyananzeleta, kukhona i—indawo yempilo kaPhawuli lapho ayesentolongweni lapho okwesikhathi eside. Wabhala iBhuku labaseEfesu. Wabhala liNcwadi yamaHebheru. Bona? Wayelesikhathi. UNkulunkulu wambeka khona ngale entolongweni, futhi wabhalala iNcwadi lezi emabandleni. Enye ebandleni labaseEfesu. Wabhalela enye ebandleni lamaPhentekhostali, waba lenhlupho ezinengi ngabo. Ibandla lePhentekhostali waba lohlupho olunengi ngalo ukwedlula omunye umuntu wonke. Kulokhu kunjalo. Kodwa wayelokubonga ngabo. Into kuphela ayengabafundisa yona... Lapho bengena: omunye wayelolimi, omunye wayelehubo, omunye wayelamadlabuzane, omunye wayelomuzwa. Wayengelakukhuluma, ukukhuluma labo, “Ukulondeka okulaPhakade.” Wayengela kukhuluma labo, “ukumiselwa ngaphambili.” Wayengelakukhuluma labo, babezingane. Bonke kwakumele—kwakumele bazwe enye into, kumbe babone enye into, kumbe babelemizwa engazwisisekiyo, futhi, kumbe eyinye into ebazingelezeleyo, ubufakazi obuthile.

<sup>60</sup> Kodwa ngiyakholwa, lapho ekhuluma labaseEfesu, wayengakhuluma ngokuthi, “UNkulunkulu wasimisela ngaphambili ukuba ngamadodana lamadodakazi, futhi wasibeka ubuntwana njengabantwana kuJesu Khristu ngaphambi kokusekelwa komhlaba.” Khangela lokho. Minabo!

<sup>61</sup> Umkhangele esiza eBhukwini labaseRoma, lokunjalo. Basebekhulile. O, bakhuluma ngendimi, sibili, futhi babelezinye izibonakaliso zikaMoya oNgcwele phakathi kwabo. Kodwa kabenzanga izimfundiso, lamadlabuzane, lokuqhuqha okuncinyane, lemizwa engazwisisekiyo.

<sup>62</sup> UPhawuli wathi, “Lina—lina—lina lidlulisa amalawulo ngalokho. Lapho lifanele ukuba lifundisa, lokhu lisasezingane futhi kufanele libe lochago.”

<sup>63</sup> Manje, lokho yikho engihelezi ngizama ukukulwela lelithabhanekeli ukuba yikho, hatshi ixuku lezingane. Kasibeni ngabakhulileyo. Sime emgwaqweni. O, minabo! Nanko-ke.

<sup>64</sup> Ngakho, uPhawuli uyahamba phansi lapho, kuqala, ukubona uba isehlakalo sakhe sasihambelana leBhayibhili likaNkulunkulu.

<sup>65</sup> O, kwakungasoze kumangalise na, lamuhla, uba abantu benza lokho kuphela njalo, uba sayenza isehlakalo sethu sahambelana leBhayibhili likaNkulunkulu? Nxa

singahambelani, khona-ke isehlakalo sethu ayisiso; asibaneki kuUrimi Thumimi. Nxa sibaneka phakathi Lapho, ameni, yazi ukubana uLakho. Kodwa nxa singabaneki, okunye... Angilandaba ukuthi kukhangeleka kanjani, kukhangeleka ngempela sengathi kulungile; nxa ukukhanya lokho kungabanekanga kuleyoUrimi Thumimi, kwakungayisikho.

<sup>66</sup> Futhi akulandaba ukuthi ulesehlakalo esinganani obe laso, sikhangeleka siqiniseke okunganani, singabe sizitshengisa kanjani, ukuthi silokufundisa okunganani, yisikhali esikhulu esokuzuza imiphefumulo; nxa kungabaneki eLizwini, ayisikho. Kunjalo. Kufanele kuqondane leLizwi.

<sup>67</sup> Manje, ngiyakholwa e...kulephakathi laphakathi yomgwaqo. Umgwaqo, manje, izikhathi ezinengi... Ngangivame ukuya ebandleni leNazareni. INkosi ibusise labobantu abathandekayo. Abendlela zakudala, amaMethodisti angcweliwiweyo yikho abayikho; ichurch of God, iNazareni, iPilgrim Holiness, lamanengi alawo mabandla amahle akudala angcwele. Futhi babevame ukuhlabela ingoma:

Ngihamba emgwaqweni omkhulu omdala omuhle,  
Ngikhulumu yonke indawo lapho engiya khona,  
Ngingangcono ngibe ngumKhristu wesikhathi sakudala, Nkosi,  
Kuloba yini engiyaziyo.

<sup>68</sup> Kuhle. Kuyamangalisa. Futhi-ke babevame ukukhuluma ngomgwaqo omkhulu wobungcwele. Manje, nxa ungarabala phezu kwakho, bakuthola lokho kuIsaya, isahluko 35. Manje, nxa linganenzelela, wathi, “Kuzakuba lomgwaqo omkhulu, lendlela.”

<sup>69</sup> Manje, *le* yisihlanganiso. Bona? Umgwaqo omkhulu, kwakungasimgwaqo omkhulu wobungcwele. “Kuzakuba ngumwaqo omkhulu, lendlela, futhi izakubizwa ngokuthi, ‘Indlela yobungcwele,’ hatshi umgwaqo omkhulu wobungcwele. “Indlela yobungcwele!” Lendlela yomgwaqo yiphakathi laphakathi yomgwaqo. Yakhwiwe njenga *lokhu* ukuze amanzi akhukhulele izibi, emaceleni onke, kugcine umgwaqo uhlanzekile. Ungekela ukwenza njalo, uba lamachibi endleleni yakho, isikhathi sonke, nxa ungakhiwangka kuhle. “Indlela” yiphakathi laphakathi yomgwaqo.

<sup>70</sup> Manje, *kuleli* cele, lapho abantu bephenduka, ingqondo zabo zibekwe khona kuKhristu. Njalo nxa befundile kancinyane nje, futhi bengahlali bephansi komkhuleko, bazaqanda okuzwayo, futhi bawome, futhi babelukhuni, labanganakiyo. Futhi-ke nxa belokuqhuqha qhuqha okuncane, nxa ungakhangeli, bazakuba ngabadlulisa amalawulo nje futhi bahlanye, ngakuleli icele, bona, bangena emadlabuzaneni lakho konke.

<sup>71</sup> Manje, kodwa, iBandla leqiniso liVangeli eliphilileyo sibili, khona phakathi laphakathi komgwaqo. Kaliqandi futhi kaliwomanga, njalo kalisikho ukwedlulisa amalawulo. Kungelihle sibili, elidala, iVangeli elikhudumalayo, uthando lukaNkulunkulu oluzwakala enhliziyweni, lihamba khona phakathi laphakathi kwendlela, libiza nhlangothi zombili. Kunjalo. Manje yikho lokho... Futhi uzalithola njani leloBandla? Khona phakathi kweLizwi, iUrimi Thumimi.

<sup>72</sup> Manje, uPhawuli wayefuna ukungenisa lelibandla phakathi laphakathi komgwaqo, ngakho wahamba futhi wafunda iminyaka emithathu eMibhalweni ayeyazi. Ngakho-ke, uPhawuli wabhala ingxenye enkulu yaleli Thestamente eliTsha. UNkulunkulu wamenza ukuthi enze lokho ngoba kusiza isikhathi sabezizwe. UMathewu, uMakho, uLukha, loJohane, amavangeli amane, kwakungamaJuda. Kodwa uPhawuli wabhala ubunengi bezincwadi.

<sup>73</sup> Manje nanzelelani, manje, sizaqala ukuthola lesisesekelo manje, lapho akhona, eYibhala, esentolongweni. Futhi ube lesehlakalo sonke lesi. Kodwa, kuqala, lesisehlakalo safakazelwa kuqala, futhi leyi yincwadi yakhe eyisiqokoqela kikho. Leyi yincwadi yakhe eyisiqokoqela. AbaseRoma labaseEfesu, lokunjalo, balendawo yabo, kodwa leyi yincwadi eyisiqokoqela.

<sup>74</sup> Manje, isahluko sonke sika 1, siphakamisa uJesu, lokumehlukanisa Ekubeni ngumprofethi. Yindikimba yonke manje. Ngizazama ukungena kikho ngokuphangisa engikwenelisayo khathesi, ukuze singahlali isikhathi eside. Indikimba yonke, yikwehlukanisa esitsha isahlu... esitsha... Isahluko 1, sehlukanisa uJesu kuloba nguphi umprofethi, kumbe loba nguphi umthetho, kumbe okunjalo, futhi kutshengisa ukuthi uJesu Ungubani. Manje khangela, "UNKulunkulu." Siyaqala, ibala lokuqala, "UNKulunkulu."

*UNKulunkulu, endu...owathi ngezikkhathi  
zendulo...*

*Endulo kutsho ukuthi "kudala dala," isikhathi sangemuva.*

*...izikhathi zendulo langezindlela ezitshiyeneyo  
wakhuluma endulo kubobaba ngabaprofethi,*

<sup>75</sup> Manje, bona, "UNKulunkulu, ngezikkhathi zasendulo, emuva-le, Wakhuluma kubobaba ngabaprofethi." Yiyo indlela okwakufanele anikeze ngayo uMbiko Wakhe, ngomprofethi Wakhe.

<sup>76</sup> UNkulunkulu wayethumela umprofethi Wakhe njengo Elija, uJeremiya, uIsaya. Futhi nxo ungananzelela, akukaze kuyo yonke imbali yomhlaba, ibandla elake laveza umprofethi. Kuhlole kuThestamente eliDala, iThestamente eliTsha, kumbe kulolusuku, osukwini lokucina. Ngitshengisa umprofethi owake wavuswa ephuma ebandleni ngosuku lokucina. Ngitshengisa oyedwa owake wavuka, waphuma. Futhi ngitshengisa isikhathi

esisodwa lapho umprofethi, inceku kaNkulunkulu eqotho, leyo uhlelo lwezenkolo yomhlaba olungazange lumlahle.

<sup>77</sup> Kucabange nje. UJeremiya, uIsaya, konke kusehla kuThestamente eliDala, bayakulahla. UJesu wathi, "Licecisa amangcwaba abaprofethi liwenza abemhlophe futhi yini elabafaka phakathi lapho." Kunjalo.

<sup>78</sup> Ibandla liyaqhubeka ngalokho. Khangela uPatrick oNgewelete. Lina bantu beKatalika lithi ngowenu. Akasuye mKatalika njengami ngingayisuye. Kunjalo. Kodwa lithi ngowenu.

<sup>79</sup> Khangela uFrancis oNgewelete weAssisi. Lithi ngowenu. Akasuye umKatalika njengami ngingayisuye.

<sup>80</sup> Khangela uJoan weArc. Lamtshisela esigodweni, njengomthakathi, ngoba wabona imibono futhi ungokamoya. Lamtshisela esigodweni. Futhi lowomfazi ekhalela isihawu, futhi bamtshisela esigodweni. Phose iminyaka elikhulu isiyedlule, bafumana ukuthi wayengu mprofethikazi. Wayeyinceku kaNkulunkulu. O, ngoba, lenze isijeziso esikhulu: lagebha imizimba yabapristi futhi layiphosela emfuleni.

<sup>81</sup> "Liyacecisa amangcwaba abaprofethi, futhi labafaka phakathi lapho." Kuqondile. Uhlelo lwezenkolo kalukaze luveze umuntu kaNkulunkulu; kalukaze lukwenze, kalukwenzanga lamuhla, futhi kalusoze lukwenze. Inkolo ehleliweyo kayikaze ibe yindikimba kaNkulunkulu.

<sup>82</sup> Ibandla elidala kulawo wonke elahlelwayo emhlabeni libandla leKatalika; uLuther, ngowesibili; khona-ke kwabuya uZwingli; emva kukaZwingli, kweza uCalvin; uCalvin, kusiya, amaAnglican, iAnglo-Saxons ingena, khona-ke ibandla leAnglican; leNkosi uHenry wesFicaminwembili, lapho ephikisa, lokunjalo; futhi kusehla kusiya kuMethodisti kaWesley, lamaNazarene, iPilgrim Holiness; futhi kusehla kusiya ekucineni, yiPhentekhostali, bonke bazenza inhlanganiso. Futhi iBhayibhili liyafundisa sobala ukuthi ibandla leKatalika lingu—lingumfazi olodumo olubi, lamabandla eProtestanti lezinhlanganiso zavo zingamadodakazi akhe, iSambulo 17. Kunjalo sibili. Ngakho bayi...

<sup>83</sup> Hatshi abantu, manje. Kulokuhle kuwo wona wonke amabandla; abangewelisiweyo, abantu abasindisiweyo. Kodwa uNkulunkulu akabizi abantu Bakhe ngenhlanganiso. Ubabiza mutu ngamunye. UNkulunkulu usebenza lomuntu ngamunye, loba unguMethodisti, umBaptisti, umProtestanti, lomKatalika, kumbe loba yini oyikho. UNkulunkulu, ngaphambi kokusekelwa komhlaba, wakwazi, futhi wakumisela ngaphambilili eMpilweni elaPhakade, kumbe loba wawumiselwe ngaphambilili ekulahlekeni okulaPhakade. Hatshi...

<sup>84</sup> Wayengathandi ukuthi ubhujiswe, ukuthi ubhubhe. Kodwa, Yena engelamkhawulo, Kwakufanele abekwazi isiphetho kusukela ekuqaleni, kungenjalo Akasiye Nkulunkulu. Ngakho uJesu kezanga emhlabeni ukuthi athi nje, “Awu, ngizabona nxa omunye umuntu elesihawu... Nxa Ngingenza futhi ngife, ngendlela enzima, mhlawumbe bazacabanga, ‘Awu, Ngi...’ Kuza—kuzancenga inhliziyo zabo, futhi baza...” UNkulunkulu kaphathi umsebenzi Wakhe njenga lokho.

<sup>85</sup> UJesu walanda injongo eyodwa ebalulekileyo, leyo, yikusindisa labo uNkulunkulu, ngaphambi kokusekelwa komhlaba, wazi ukubana bazasindiswa. Watsho njalo. Kunjalo. Ngakho liya... “Akusuye othandayo, kumbe lowo ogijimayo; nguNkulunkulu otshengisa isihawu.” UPhawuli wakutsho lokho. Umuntu ofanayo lapha.

<sup>86</sup> Wathi, “Yiso isizatho uNkulunkulu wayengathi, ngaphambi kokuba uEsawu kumbe uJakhobe bengakazalwa, Wathi, ‘Ngithanda oyedwa futhi ngizonda omunye.’” Ngaphambi kokuba omunye umfana azalwe, uNkulunkulu wayekwazi ukuthi Esawu wayeliqili, futhi Wayekwazi ukuthi uJakhobe waye... wathanda ubuzibulo bakhe. Ngakho Wayekwazi, ngaphambi kokubunjwa komhlaba, mayelana ngakho. Manje, sizakufumana ngomzuzu ukuthi wayengubani Lowo owayekwazi. Isahluko lesi silakho.

UNkulunkulu,...ngesikhathi *sendulo* langendlela  
ezitshiyeneyo wakhulum...kubo *baba ngabaprofethi*,

*Ngalezi insuku zokucina ukhulume kithi ngeNdodana*  
*yakhe,...*

Uyenzeni? “Ukhulume kithi kulezinsuku zokucina ngeNdodana Yakhe.”

<sup>87</sup> Manje, ungocabanga njani-ke, ukuthi, umprofethi engaba yini? Singaba lomprofethi khona-ke walolusuku na? Ngempela. Engakhuluma ngathi na? Sibili. Kodwa lowo... Abaprofethi bosuku lwakudala kwakunguMoya kaJesu Khristu.

<sup>88</sup> Manje, kasikubambeni lokho ngokuqondileyo, ngoba kangicabangi ukuthi ngabe kuthophela kahle. Manje, lokhu kunjengeSikolo seSonto, ngakho sifuna ukwenza lokhu kubesobala. Bona?

<sup>89</sup> Nanzelela. Kasithatheni uMoya kaNkulunkulu owawukuMose, ngokupheleleyo i...lithunzi langaphambilikaJesu Khristu. Bonke abantu beTheStamente eliDala bafanekisa ngaphambilili isiphambano. UMose, ezelwe engumntwana omuhle, efihlwe emihlangeni, wasuswa ebazalini bakhe, lokunjalo, futhi waye... Wayeyinkosi, kumbe u—umkhokheli, usigobamthetho, ummeli, umpristi. Konke ayeyikho kwafanekisa ngaphambilili uKhristu.

<sup>90</sup> Khangela uJosefa, ethandwe nguyise, ezondwa ngabafowakhe, futhi wathengiswa phose amatshumi amathathu enhlamvu zesiliva. Waphoselwa egodini, kuthiwa ufile; wakhutshwa. Ekuhlutshweni kwakhe, umphathi zitsa wasindiswa, futhi umthengisi wenyama walahleka; amasela amabili esiphambanweni. Futhi-ke lapho ephuma, waphuma phandle komgodi lowo, futhi wabekwa esandleni sokunene sikaFaro, elikhulu lokuthengiselana...i—i—ilizwe elanqoba umhlaba wonke. Futhi akula muntu owayengabuya kuFaro ngaphandle kokubuya ngoJosefa; uJesu ehlezi esandleni sokunene sikaNkulunkulu, futhi akula muntu ongabuya kuNkulunkulu ngaphandle kokubuya ngoKhristu. Futhi lapho uJosefa etshiya leso sihlalo futhi aqale ukuphuma, abantu bahamba phambi kwakhe, beklabalala futhi bevuthela amacilongo, bezwakalisa uphondo, besithi, “Guqani ngedolo! UJosefa uyeza.”

<sup>91</sup> Futhi lapho uJesu esiza, upondo luzakhala, futhi idolo lonke lizaguqa, lolimi lonke luzavuma. Yebo, mnumzana. Nango Elapho.

<sup>92</sup> Futhi lapho uJosefa esifa, watshiya isikhumbuzo kibo ababelindele ukukhululwa.

<sup>93</sup> Ngabeka isandla sami phezu kwebhokisi elidala, lapha kungasi kude, lenzwa ngomthofu. Futhi umzimba wakhe wawufanele uhiale...amathambo akhe...Wathi, “Lingangingcwabi lapha, ngoba ngolunye usuku, uNkulunkulu uzalivakatshela.” Wayengumprofethi. “UNkulunkulu uzalivakatshela.” Futhi wathi, “Lapho lisiya elizwени lesithembiso, thathani amathambo ami.”

<sup>94</sup> Wonke umHebheru omdala, etshaywe umhlane futhi elegazi, wayengakhangela kulelo bhokisi futhi athi, “Ngolunye usuku, siyaphuma.”

<sup>95</sup> UJesu watshiya isikhumbuzo, ingcwaba elingelalutho. Ngolunye usuku lapho sisiya ethuneni, labathandekayo bethu, futhi sizwe amagade amadala amancinyane, lapho besithi, “Imilotha emlotheni, lothuli othulini, lomhlabathi emhlabathini.” Kodwa, mfowethu, singakhangela phetsheya kolwandle, engcwabeni elingelalutho. Ngolunye usuku, siyaphuma lapha. Siya eKhaya. Uyeza. Into yonke yafanekiswa.

<sup>96</sup> Khangela uDavida, eyalwe ngabantu bakhe, ekhutshwe esihlalweni sobukhosи ngabantu bakhe uqobo. Eyinkosi yeJerusalema, wakhitshewa phandle kweJerusalema ngabantu bakhe uqobo. Futhi lapho esenyukela eNtabeni iOlive, wakhangela emuva futhi wakhala. Walahlwa.

<sup>97</sup> Iminyaka engamakhulu ayisificaminwembili kusukela lapho, iNdodana kaDavida, iNkosi yeJerusalema, wahlala phezu koqaqa futhi wakhala, ngoba Walahlwa.

<sup>98</sup> Lowo kwakunguMoya kaKhristu kuDavida. Konke kwakulithunzi langaphambili lesiphambano. Labo baprofethi emuva lapho bakhuluma eBizweni Lakhe. Baphila eBizweni Lakhe. Benza eBizweni Lakhe. Sibili. “UNkulunkulu ngezikhathi zendulo langezindlela ezitshiyeneyo wakhuluma kubobaba ngabaprofethi, kodwa kulolusuku lokucina ngeNdodana Yakhe.”

<sup>99</sup> Ngakho abaprofethi lamadoda bakamoya, lolusuku, bayisibenyezelo sikaKhristu kuphela. Lapho, ngomthetho bama, khangela. Ngangapha bayama, bekhangela emuva ngolunye uhlangothi, ngomusa.

<sup>100</sup> Ukuthi kumaHebheru 11, isahluko sokucina, nighlezi ngikumangala lokho. Esahlukweni sokucina, ingxenye yokucina yesahluko 11 samaHebheru, lapho ekhuluma mayelana ngoAbrahama. Isahluko esikhulu sokholo, futhi ekucineni, wathi, “Bazulazula bembethe izigogo zemvu lezigogo zembuzi, futhi benziwa insweli, futhi basahwa. Bazulazula, kungelandawo yokuya, bazondwa, futhi beyiswa, futhi bahlutshwa. Bona labo, lumhlaba kawubafanelanga abantu abanjalo.”

<sup>101</sup> Khona-ke uPhawuli uyama futhi wathi, “Kodwa bengalathi kabaphelelanga.” Ngoba bakhangela kuphela esiphambanweni, futhi sikhangela *kudlula* esiphambanweni. SiloMoya kaKhristu emva kokuba Usube yinyama yomuntu futhi wahlala phakathi kwethu. Sibuya lapha ngoMoya oNgewe, okulicebo elingcono kakhulu.

<sup>102</sup> Futhi kwezinye izikhathi ngiyamangala lokho isiKhristu esikukhangeleyo lamuhla. Umtshumayeli esiya edolobheni kufanele abe...kumbe elinye ibandla elitsha kumbe esinxe isilayo esitsha, ozibiza ngokuthi umprofethi, uhamba phezulu lapho, athi, “Awu, nxa bengangipha imali enengi kangako. Nxa ngingaba lemota enhle kulazo zonke. Nxa benga...Nxa iholo lami lingakhwezwa zonke inyanga eziyisithupha.”

<sup>103</sup> Kufanele sibe lokuhle kakhulu. Kumele sibe lamakhaya amahle ukwedlula amanye. Kumele sibe lezigqoko ezinhle kulazo zonke. Sizakwenza njani lapho sisima phambi kwalawo madoda abazulayo, ngezigogo zembuzi lezigogo zemvu, bengelandawo yokubeka amakhanda abo, bezulazula enhlane? Futhi omunye umuntu engasenza inhlekisa futhi silungele ukutshiya ibandla futhi singabuyeli njalo futhi. Lokho isiKhristu esikudingayo lamuhla. Kumele siyangke ngokwethu.

O Nkulunkulu, woba lesihawu kithi.

<sup>104</sup> Kulolosuku, Wakhuluma ngabaprofethi, kodwa kulolusuku ngeNdodana Yakhe. Lelo kwakuyilizwi lomprofethi, lapho. Leli yiLizwi leNdodana, lamuhla. O, malibusiswe iBizo leNkosi!

<sup>105</sup> Ngamanye amazwi, nxa ukhangele ethunzini, inegethivi, ungenza iphutha. Kodwa Lokhu kukhulisiwe, umfanekiso usobala. Lokho kwaku ngomprofethi; lokhu kungeNdodana Yakhe. Lokho kwakungenegethivi; lokhu kungephozethivi. Ameni. Liyakubona na? Kalikho ithuba lokulahlekelwa. Kuyinto eqotho, lolusuku ngeNdodana Yakhe. O, Kumangalisa kangakanani!

...ayimise ibe yindlalifa . . . (O, mina-bo!) . . . indlalifa  
yezinto zonke, . . .

<sup>106</sup> Kwakuyini? Kwakungokumisiweyo. O, lalelani. Wayemisiwe, uKhristu wayemisiwe, indlalifa yento zonke. O, udeveli wayekwazi lokho, kusukela esivandeni seEdeni, uyabona, lapho udeveli esezwile iLizwi lelo lapho lolosuku, ekwahlulelwemi kwalabo bantu. Wathi, “Ngoba uvela ethulini, ethulini uzabuyela; futhi iNzalo yomfazi izachoboza ikhanda lenyoka.” INzalo ethenjisiweyo.

<sup>107</sup> USathane waqhube ka ekhangele leyo Nzalo. Lapho uAbhela esezelwe, wathi, “Nanko-ke, yiyo inzalo.” Futhi wabulala uAbhela. Indodana yakhe, uKhayini, wabulala uAbhela. Futhi masinyane lapho uAbhela esifa, wathi, “Ngiyitholile inzalo.” Wayibulala. Wathi, “Ngiyitholile.” Kodwa, ukufa kukaAbhela, ukuzalwa kukaSethi kwakuyikuvuka njalo. Khangela ukuthi behla njani.

<sup>108</sup> Lolo sendo lukaSethi, lwehla phansi, ezithobileyo indoda elungileyo; kusiya kusehla kuEnoki; kusiya kusehla kuNowa, kusiya ekucineni kokubhujiswa komhlaba ngozamcolo.

<sup>109</sup> Khangelani usendo lukaKhayini, babangabantu abakhaliphileyo, abafundileyo, abesayensi. Alitsho na iBhayibhili ukuthi . . . Akazange atsho uJesu, ukuthi, “Abantwana balumhlaba bahlakaniphile ukwedlula aBantwana boMbuso”? Khangelani ehangothini lukaKhayini khona lamuhla: bakhaliphile, bafundile, bangabathandabuzayo, abangabenkolo sibili; bona, abangabenkolo sibili, kodwa bengabesayensi, abakhi, abantu abakhulu.

<sup>110</sup> Thatha amadoda amakhulu. Khangela uThomas Edison, amadoda amakhulu amanengi. Khangela uEinstein, ingqondo zomhlaba, ngokutshiwoyo, lamuhla, ingqondo zomhlaba. Kodwa asizami ukusebenzisa ingqondo. Siyekela uMqondo owawukuKhristu ubekithi, futhi sikhangele kuleliLizwi, futhi silibize ngokunjalo.

<sup>111</sup> Odokotela abelaphayo, lanxa sibabonga ngalokho esilakho, kodwa abanengi balabo ngabathandabuzayo, abangakhholwayo. Khangela abantu abakhaliphileyo labahlakaniphileyo lamuhla. Bakulelo cele khona ngale, uhangothi lukaKhayini.

<sup>112</sup> Kodwa khangela abazithobileyo labamnene. Nanto uvuko lwakho njalo. O, malibusiswe iBizo leNkosi! Nanko-ke. Nanzelela.

... wamenza *wabayindlalifa yezinto zonke, owadala ngaye futhi imihlaba;*

Ngubani owenza imihlaba? UKhristu. “UKhristu wenza imihlaba?” Yebo, mnumzana. Kasihambeni phambidlana kancinyane nje.

*Yona eyikubenyezela kwenkazimulo yakhe, lomfuziselo uqobo wobukhona bakhe, . . .*

Ukubenyezela kwenkazimulo kaBani na? Inkazimulo kaNkulunkulu. Imfuziselo uqobo yoBukhona bukaBani na? BukaNkulunkulu. O, ngiyakuthanda lokhu!

... kumbe *imfuziselo uqobo yobuntu bakhe, futhi ithwеле izinto zonke ngelizwi . . .*

Nanko-ke. ILizwi, elithwala izinto zonke. UJesu wathi, kuMathewu 24, “AmaZulu lomhlaba kuzedlula, kodwa amaZwi Ami akasoze edlule.” Uthwala izinto zonke.

<sup>113</sup> ISayensi iyazama ukuKwehlisa phansi, futhi ithi, “LiBhuku elidala. Latolikwa.”

<sup>114</sup> Lebandla leKatolika yeRoma, uBishop Sheen wathi, “Latolikwa izikhathi ezine kumbe ezinhlanu ezechlukeneyo, futhi kungekho okunengi Kikho. Ungeke uphile Ngakho nxa wawungakwenza.” Kodwa Uthwala izinto zonke ngeLizwi Lakhe. Ameni. Yikho engikucabangayo Ngakho. Ngiyalikhola iBhayibhili.

*... ilizwi lamandla akhe, (kulamandla eLizwini), lapho eseyenzile ngokwakhe wahlambulula izono zethu, . . . (khangelalapha) . . . wahlala phansi esandleni sokunene soMkhulu kweliphezulu;*

<sup>115</sup> Kuyini uPhawuli azama ukukwenza? Uzama ukutshengisa ukuthi uNkulunkulu wajonga izinto zonke kuKhristu, futhi uKhristu wayeyimfuziselo uqobo kaNkulunkulu. Isahluko sonke jikelele sikhuluma ngokuthi Wayephakame kanjani ukwedlula iNgilosi, ephakeme ukwedlula amandla wonke. INgilosi zaMkhonza. UPhawuli wayezama ukuMphakamisa.

<sup>116</sup> Manje, ngifuna ukuzama . . . Nxa ngingasoze ngedlule kulokhu, okunye kwakho konke okuseleyo yikudumisa uKhristu nje. Lokho uPhawuli akutshoyo lapha, njengesahluko 11, lakho konke ngokukhuluma ngomhlaba. Wathi, “Yiphi—yiphi iNgilosi Ayitshoyo ukuthi, ‘Wena uyiNdodana Yami, ngalolusuku Ngikuzele Wena?’” Bona?

<sup>117</sup> “Isiphetho somhlaba, bazabhubha. Umhlaba uzabhubha. Kodwa i . . . Futhi lezinto zonke zomhlaba zizabhubha. Uzazigoqa njengesembatho. Ziyakuba ndala, futhi ziphendulwe, futhi zihambe. ‘Kodwa Wena uhlala ukhona. Wena uhlala ukhona kuze kube nini lanini. Wena uyiNdodana Yami. Lolusuku Ngikuzele Wena, futhi kawusoze ubhubhe, ehlezi esandleni sokunene soPhezu konke.’”

Kutshoni ukuthi *isandla sokunene?* Akutsho ukuthi, UNkulunkulu ulesandla sokunene leso omunye umuntu ahlezi kiso. *Isandla sokunene* kutsho “amandla legunya,” ulegunya lento zonke eZulwini lasemhlabeni. LamaZulu wonke lomhlaba kwenziwe Nguye.

<sup>118</sup> Manje, Ngubani luMfo omkhulu, luMfo omkhululu, UKhristu? Lapha, uNkulunkulu kuBaba, iNdodana loMoya oNgewe, akusikho... Kuyibuthathu, kodwa kayisibo buthathu babantu. Kuyibuthathu besikhundla, sikaNkulunkulu munye.

<sup>119</sup> WayenguBaba ekhokhela abantwana bakoIsrayeli. Leso kwakuyisikhundla Sakhe, uBaba uJehova omkhulu. Futhi Wahlala emhlabeni, ebizwa ngokuthi iNdodana. Futhi khathesi Uhlala eBandleni Lakhe, elibizwa ngokuthi uMoya oNgewe. Hatshi oNkulunkulu abathathu; uNkulunkulu oyedwa ezikhundleni ezintathu: uBaba, iNdodana, loMoya oNgewe.

Abantu bazama ukuMenza oNkulunkulu abathathu abehlukeneyo, uNkulunkulu uBaba. Yiso isizatho, amaJuda, awungeke, awusoze ulethe lokhu kumJuda, hatshi, lokho lapho. Angeke. Ulomlayo, ukuthi, “NginguNkulunkulu oYedwa.” KuloNkulunkulu oyedwa kuphela.

<sup>120</sup> EAfrica babhaphathiza ngendlela ezintathu ezelukeneyo: babhaphathiza kanye ngoBaba, futhi kanye okweNdodana, futhi kanye okoMoya oNgewe. IApostolic Faith mission, babhaphathiza kathathu, bekhangelise ubuso phambili, ekufeni Kwakhe. Lokho abakubiza bethi iFull Gospel oKhunjini lweNtshonalanga, kumbe uKhumbi lweMpumalanga, babhaphathiza kathathu besiya emuva, bathi Yena... ekungcwatshweni Kwakhe.

Futhi wathi, “Lapho Esifa, Wawela phambili.”

<sup>121</sup> Omunye wathi, “Mana. Ungcwaba umuntu ngomhlane wakhe.” Izinto ezindala zamaqhingga amancinyane, lapho, balahlekile bonke; balahlekile bonke, ngokuya koMbhalo.

*Le yiUrimi Thummimi. Iqeda indaba.*

<sup>122</sup> Manje, lapha, kasifanekiseni lokho futhi sibone ukuthi—ukuthi kukhangeleka njani, lobubusuku. Nanku lapha, nxa ufunu ukukubona. Kuyo yonke phose iminyaka engamatshumi amabili lahlanu bengingumtshumayeli, ngakufunda lokho. Futhi bengihleli ngingazwisisi ngezipho ebandleni. Ziyini lezo zipho? Ukuprofetha, ukukhulumu ngendimi, ukutolikwa kwendimi, isambulo saPhezulu, lokunjalo, konke kubuya ngoKhristu.

<sup>123</sup> Manje khangela. UKhristu yiNhloko yezinto zonke. Futhi UyiNhloko yeBandla. Futhi lake labona indayimana enkulu na? Indayimana enkulu kakhulu eqetshulwe kahle, ileziqephu ezincinyane ezikhitshwe kilo, eziqetshulwe kilo. Lokho kwenza

indayimana eqondileyo. Iziqephу ngezani? Indayimana eyiyo, indlela ephuma ngayo, iyabe ichotshoziwe; indayimana eyiyo, lapho itholakala.

NgangiseKimberley. Lina, abanengi benu, elezwayo lingadobha amandayimana esitaladeni, lokho kuqondile. UBilly lami, loMnu. Bosworth. Umongameli wemigodi yamandayimana eKimberley, uthathe... Wayengum'asher wami emhlanganweni lapho. Futhi basithatha. Futhi nje ngaphandle kwe... Bayawagebha phose, o, phose amafidi angamakhulu alitshumi lesikhombisa ngaphasi komhlabathi. Aphuma, ilitshe eliluhlaza okwesibhakabhaka, elikhulu eliluhlaza okwesibhakabhaka, njengaleli litshe eliluhlaza okwesibhakabhaka elilithola lapha. Futhi abomdabu labo, babafaka amafidi angamakhulu alitshumi lesikhombisa emhlabathini, ukuwagebha, ukugcina intengo iphezulu. Ungahamba emfuleni lapho, balakho kulindiwe okwamakhulu lamakhulu amamayila. Thatha amabhakede amabili amagaloni etshumi, wathi, futhi uwaphakamise, egcwele nge—ngetshebetshebe, futhi nxaxawungafika ngekhaya lakho, ungaba ngumuntu olezigidi ezinengi, kuyabe kulamdayimana amanengi kakhlulu kiwo. Kodwa kufanele basebenze futhi bawagebhe wona, ukuba bagcine intengo iphezulu kiwo.

<sup>124</sup> Manje, indayimana, lapho liphuma, ingenkulu nje, ibutshelezi, iyisisibhumbuluzi, kanjalo, isiqephу sengilazi. Kulendayimana eluhlaza okwesibhakabhaka, indayimana emnyama, i-emerald, lendayimana ecwebekileyo, indayimana emhlophe. Kodwa lapho iphuma... Khona-ke lapho isiyenziwe yabekwa ekusetshenzisweni, kulengxenyе yaleyo ndayimana okufanele ilahlekelwe. Futhi kufanele ilahlekelwe yizi—yiziqephу kuyo. Kukhutshwe iziqephу ezincinyane, ngoba, lapho isiza maqondana lokukhanya, njengalokho, iyacwazimula. Isiqephу, kuyini okwenza ukucwazimula, indlela equunywe ngayo. Iqunyiwe, yaqetshulwa, futhi-ke, lapho ikwenza, iyacwazimula. Futhi eyodwa ikhanya okuluuhlaza, enye ikhanye okuluuhlaza sasibhakabhaka, futhi mhlawumbe enye, ukukhanya okuyi emerald, lokukhanya okubomvu. Futhi lokukhanya okwehlukeneyo kusuka kiyo, njengombala womchilo wamakhosikazi. Bakubiza ngokuthi, "umlimo kundayimana."

<sup>125</sup> Manje, ngakunye kwalokho kukhanya kumela izipho. Kodwa kuyi kuthi, kuphela, uKhristu uyiNdayimana. Futhi Waye Nguye Owezayo, futhi wachotshozwa, futhi walinyazwa, futhi waqetshulwa, ukuze Azibenyezele njalo Ngokwakhe njengokuKhanya emhlabeni. Nguye leyo Ndayimana eNkulu.

<sup>126</sup> Ungakucabanga, kungakabi khona lomhlaba, kungakabi lokukhanya, kungakabi lenkanyezi, kungakabi lolutho? KuloMthombo omkhulu oqhubeckayo, okaMoya, futhi kuluMthombo kwaphuma okothando olucwebekileyo sibili,

ngoba kwakungelalutho kulo olwalungaphuma khona kodwa lolo thando. Manje, thina, lokho esikubiza uthando, lamuhla, luthando oluphambukisiweyo. Kodwa nje lapho sithola uqobo, kumbe imbijana yalolo thando phakathi kwethu, kuyantshintsha umbono wethu wonke.

<sup>127</sup> Khona-ke phandle kwalapho kwaphuma esinye isifula, esacezuka kuluMthombo omkhulu, iNDayimana, futhi yabizwa ngokuthi yikulunga, ukulunga uqobo. Manje, yiso isizatho kwakumele sibe lomthetho. Yiso isizatho umthetho umele ube lesahlulelo. Nxa kungela sahlulelo esilandela umthetho, umthetho kawusizi lutho. Futhi lapho ukwahlulela kuvunyelwa ngomthetho, okuletha ukufa, futhi akula omunye owayengabhadala isijeziso kodwa uNkulunkulu Ngokwakhe. Futhi Wabhadala isijeziso sokufa kwethu, futhi wathatha izono zethu phezu Kwakhe, ukuthi sibe yikulunga kukaNkulunkulu Ngaye.

<sup>128</sup> Manje, lapho lezi Nkanyiso ezinkulu ziphuma, kumbe insaba ezinkulu zoMoya: uthando, ukuthula, yikho kuphela okwakukhona, Lokho. Kwakungela kuhlupheka. Kwakungela—kwakungela nzondo, kungela loba ulunya; kwakungeke kuphume kuluMthombo. Lowo kwakunguJehova. Lowo kwakunguJehova uNkulunkulu. Futhi manje, njengokubizwa ngabesayensi yenkolo, itiyofani yaphuma Kulokho, okwakubizwa kuthiwa, eMbhalweni, i “Logos,” iLogos eyaphuma kuNkulunkulu. Kunzima ukukuchasisa, kodwa kwaKuyingxenyen kaNkulunkulu.

<sup>129</sup> Manje, nanku lokho okwenzakalayo. O! Lingixolele. Ngi—ngi—ngiyangena kulokhu nje, lokhu kungingenisa lapho engithanda khona. Bona? ILogos, futhi luMthombo omkhulu, luMthombo omkhulu kaMoya ongela siqalo kumbe ongela siphetho; luMoya omkhulu waqala ukubumbeka, ekudalweni, leLogos eyaphuma Kuwo kwakuyiNdodana kaNkulunkulu. Kwakuyisimo kuphela esibonakalayo leso uMoya owawulaso. Futhi Kwakuyi tiyofani, okutsho ukuthi umzimba, futhi umzimba wawunjengomuntu.

<sup>130</sup> UMose wawubona Wona lapho Usedlula phakathi...e—edwaleni. Futhi wawukhangela Wona, wathi, “Ukhangeleka njengemuva yomuntu.”

Luhlobo lunye lomzimba esiwamukelayo lapho sisifa lapha. “Nxa leli ithabhanekeli lasemhlabeni libhujiswa, silalo elinye elivele lisilindele.” Lokho kwaKuyikho. Futhi lokho kwakuyitiyofani okwaku yiNdodana kaNkulunkulu. Leyo Ndodana, leyo Logos, yaba yinyama, ngoba sabekwa enyameni. Futhi itiyofani, iLogos, yaba yinyama, lapha phakathi kwethu, futhi Kwakungasi lutho kodwa indawo yokuhlala kiyo, ngoba wonke lowoMthombo wahlala Kuye. O, liyakubona na? Nanko Kulapho. KwakuYiwo, lowo, e...

<sup>131</sup> Khangelani lapha. Kasivuleni khathesi khona ngokuphangisa kumaHebheru, isahluko 7, okwesikhhatshana nje so—somusa, uNkulunkulu ethanda. Kasiboneni ukuthi kukhangaleka njani lapha. UAbrahama!

Silesikhathi esinengi okunganani? Silemizuzu elitshumi. Kulungile. Siyabamba lokhu, khona-ke sikuqedise ngelandelayo, ngelandelayo, kumbe iSonto, iNkosi ithanda.

<sup>132</sup> UAbrahama wayevela ekubulaleni kwenkosi.

*Ngoba luMelikhizedeki, inkosi yaseSalema, . . .*

Bangaki abakwaziyo ukuthi ngaphi, ngubani, ukuthi iSalema yayiyini? IJerusalema.

*. . . inkosi yaseSalema, inkosana kaNkulunkulu ophezu konke, owahlangabeza uAbrahama evela ekubulaleni amakhosi, futhi wambusisa;*

Lalelani.

*UAbrahama laye wamabela ingxenye yetshumi yakho konke; kuqala kuperhenduleluwa ngokuthi iNkosi yokulunga, . . . emva kwalokhu besekusithi iNkosi yaseSalema, okuyikuthi, iNkosi yokuthula;*

*Engela baba, engela mama, engelasendo, engela kuqala kwezinsuku, kumbe ukuphela kwempilo; . . .*

<sup>133</sup> INkosi yehla ivela eSalema, futhi yahlangana loAbrahama evela ekubulaleni amakhosi. Futhi liNkosi yayingela baba, yayingela mama, yayingela kuqala kwensuku kumbe ukuphela kwempilo. Ngubani ahlangana laye uAbrahama? Manje cabanga. Wayengela baba; Wayengela mama. Akazange abelesikhathi Aqala ngaso, futhi Akasoze abe lesikhathi lapho Azakuphetha khona, ngakho leyoNkosi efanayo yaseSalema kufanele ibe iphila lamuhla. Ameni. Liyakubona? Kwakuyi leyo tiyofani eyaye iyileyoNdodana kaNkulunkulu. Iphi iSalema? Leyo Jerusalema ePhezulu, leyo uAbrahama, ebusiswa, wayedinga, efumana, ezama ukufumana iDolobho uMakhi loMenzi walo kwakunguNkulunkulu. Wazulazula embethe izigogo zemu lezigogo zembusi, indawo zonke, eswela, ezulazula, futhi wayedinga iDolobho uMakhi loMenzi walo kwakunguNkulunkulu. Futhi wahlangana leNkosi yaleyoSalema, isiza isehla, futhi waMbhadala okwetshumi kwempango yonke. Ameni. Lowo Nguye. O, Mfowethu Granham, lowo kwaku Nguye. Lowo kwaku Nguye.

UAbrahama Wambona futhi. Ngolunye usuku wayehlezi ethenteni. Wakhangela, esiza phezulu lapho, futhi wabona amadoda amathathu esiza.

<sup>134</sup> Liyazi, kulenyne into ngomKhristu, ukuthi uyazi uMoya lapho ewubona. Lapho e... Uyawazi nje. Kulenyne into nje engekaMoya ngakho. Izinto zikaMoya zidalulwa ngokukaMoya.

Liyazi. Yebo, uyakwanisa ukukubona nje, nxa ezelwe sibili. "Izimvu zami ziyalazi iLizwi Lami."

<sup>135</sup> Futhi wayekwazi nje ukuthi kwakulenye into. Wagijima futhi wathi, "Ngena, Nkosi yami. Hlala phansi. Mana kancinyane. Ngizathatha ucezu lвесinkwa futhi ngilubeke esandleni Sakho. Ngizagezisa inyawo Zakho. ZiPhumuze, khona-ke ubusuqhubeka ngohambo Lwakho, ngoba U-Ubuye ukuzongivakatshela." Elizweni elilugwadule, ethatha indlela enzima, indlela labalutshwane beNkosi abeyiswayo.

Lapho, uLothi wayehlala phakathi kwenotho, umzukulu phansi-le, kodwa wayephila esonweni. Yikho lokho inotho ekulethayo kanengi yisono.

<sup>136</sup> Ngakho uAbrahama Wabaletha, lapho ethatha amanzi amalutshwane futhi wagezisa inyawo Zabo. Wagijimela etholeni, futhi wathatha ithole elinonileyo emhlambini, futhi walibulala; walipha encekwini, ukulilungisa. Futhi wathi, "Sara, vuba impuphu yakho."

Liaykwazi ukuthi ukuvuba, kuyikuyini, kutshoni. Liyazi, umama wayevame ukuba loludala, uhlobo lвесitsha, wayelakho e—emgqonyeni wempuphu. Lake labona omunye wayo na lesefa? Futhi ulesitsha phakathi lapho, evoxa impuphu, liyazi; futhi ibengathi iyajiya njengalokho, futhi ayivoxe ngalapho, kanjalo. Ngabona umama ekwenza, izikhathi ezinengi, isitscha, wayelento eyisibhumbuluzi eyayilocingo oluvimbayo oluncinyane kilo. Wathatha impuphu futhi ayisesetho njengalokho, liyazi, futhi ayimbambathe emuva laphambili, njengalokho. Khona-ke athathe isitscha futhi ayivoxe, njengalokho, ukuyehlisa phansi. Futhi yikho lapho esasifanele sihambe phansi futhi siyegayisa impuphu yethu esigayweni esidala; lemtshina emdala yomumbu, liyazi, inzima, yenza isinkwa somumbu esiyiso. Wawungasaha izigodo usuku lonke, ngaso.

<sup>137</sup> Ngakho-ke, wathi, "Vuba impuphu, ngokuphangisa. Futhi wenze amaqebelelgwane khona lapha eziko, ngokuphangisa." Futhi basenga inkomo futhi bathola uchago. Futhi bathola, baluphehla, futhi bathola ulaza. Futhi-ke bahamba futhi babulala ithole futhi bathola inyama, futhi bayikhanzinga inyama. Bathola ulaza, isinkwa somumbu, futhi bathola ulaza ukubeka kumaqebelelgwane. O, lokho kuhle sibili. Futhi baluninda lonke ngalapho. Futhi wayikhupha, futhi wayibeka phansi kulawa Madoda amathathu.

<sup>138</sup> Futhi lapho Besadla, Babelokhu bekhangela eSodoma. Futhi emva kjesikhatsana, Basukuma futhi baqala ukuhamba. Futhi Wathi, "Abrahama . . ." Wathi, "Awusoze ungfihlele khona."

<sup>139</sup> "Angeke ngikufihlele lokho engizakwenza. Sengisiya phansi lapho. Izono zeSodoma sezibuye endlebeni Yami."

Yayingubani iNdoda? Uthuli ezigqokweni Zayo zonke, futhi ihlezi lapho isidla inyama yethole, futhi inatha uchago

Iwenkomo, futhi isidla iqebelengwane isinkwa somumbu, ulaza. Ngubani luMfo ongaziwayo? Ababili, kumbe, abathathu Babo, behlezi lapho. Uthuli lugcwele iziqqoko Zakhe. O, yebo, “Sivela eLizweni elikude.” Yebo, kude sibili. Futhi-ke Wathi... Awu, Babengo Bani?

<sup>140</sup> Wathi, “Angeke ngifihlele uAbrahama, ngibona ukuthi uyindlalifa yomhlaba.” Ameni. “Ngiyembula imfihlo Zami” ngamanye amazwi, “kulabo abayindlalifa zomhlaba.” Yikho lapho iBandla elifanele libe khona lamuhla. Kunjalo. Thatha iMfihlakalo zikaNkulunkulu, ubekwazi ukuzibamba ngokwakho, lokwenza, lokuthi wenzeni, lokuthi uhambe njani, lokuthi uphile njani. Siyindlalifa yomhlaba. Kuqondile. UyaKwembula kuwe, ngoba Akasoze agodle lutho. Yikho sikhangele izinto lezi zigcwaiseka.

Umhlaba uthi, “Ah, lokho lixuku lokudlulisa amalawulo.” Bayeke bakukhulume. Indlalifa yomhlaba iyazazi lezizinto. [Indawo engelalutho ethephini—Mhl.]

...*ngoba*                   *bazakuthiwa*                   *ngabantwana*  
*bakaNkulunkulu.*

*Babusisiwe labo abamnene: ngoba bazakudla ilifa*  
*lomhlaba.*

Wenza imfihlakalo Zakhe zazakale kibo, uyazembula kibo, ebatshengise ukuthi benzeni lokuthi baphile njani, batshiye izinto zomhlaba; behamba ngobunkulunkulu lokuphila ngobunkulunkulu, emhabeni lowu wakhathesi, behambe bekanye Laye. Yeka umhlaba ukhulume lokho abafuna ukukukhuluma.

<sup>141</sup> Ngakho Wathi, “Angeke ngigodle limfihlo kuAbrahama, ngoba, njengoba uyindlalifa yomhlaba. Kodwa,” Wathi, “Ngiya phansi ukuyabhuhisa iSodoma. Sengisiya phansi.”

<sup>142</sup> “Kuyini ozakwenza, Mnumzana? Uvela ngaphi Wena? Konke kumayelana ngani?”

<sup>143</sup> Kwatholakala ukuthi, Wathi, “Futhi enye into, Abrahama, ulindele iminyaka engamatshumi amabili lanhlanu isithembiso lesi engakupha sona. Usutholile zonke impahla zomntwana, i—izipenede lento zonke, zalingane, iminyaka engamatshumi amabili lanhlanu edluleyo. Usalokhu ulindele Kimi. Manje ngizakukuvakatshele, phose nje ngesikhathi sempilo, ngokuya, kwesikhathi sempilo, inyanga elandelayo Ngizaba lawe.”

<sup>144</sup> Futhi uSara, emuva ethenteni. Futhi liNdoda yayilomhlane Wayo ufulathele ithente, ikhuluma loAbrahama, njengalokhu. Futhi uSara wathi, “Huh!”

<sup>145</sup> Wathi “Kuyini okwenza uSara wahleka?” Ho-ho-ho! Uthini ngalokho? Lokho kwakuyikufunda ingqondo, kwakungasikho na? “Kuyini okwenza uSara wahleka?”

USara wathi, “Hatshi. Angizange nighleke.”

<sup>146</sup> Wathi, “O, yebo, uhlekile.” Wesaba. Wayeqhuqha. Wayengubani Lowo, owayekwazi lokho ayekwenza emuva ethenteni? Nguye Lowo Nkulunkulu ofanayo olathi lamuhla. Nguye Ofanayo. Uyazi ngakho konke. Bona? Uyakwembula nje lapho ulesidingo. Bona?

<sup>147</sup> “Uhlekani?” Bona, Umhlane Wakhe ufulathele kikho. iBhayibhili lakukhuluma lokho, ukuthi, “Umhlane Wakhe wawufulathele ithente.” Kodwa, Wabakwazi. “Uyini umfazi, emuva lapho, esenza *lokhu*?” Liyabona? Ngakho, Wathi, “Ngizakukuvakatshela.”

<sup>148</sup> Ngubani luMfo ongaziwayo? Liyakwazi okwenzakalayo? Waphuma phandle lapho futhi wanyamalala. Futhi iBhayibhili lathi ukuthi Lowo kwakunguNkulunkulu uSomandla, uJehova, lowo Mthombo omkhulu, leyo Tiyofani, leyo Logos.

<sup>149</sup> Omunye umtshumayeli wathi kimi, isikhathi esedluleyo, wathi, “Mfowethu Branham, awungeke ucabange sibili ukuthi lowo kwakunguNkulunkulu, ungakucabanga na?”

<sup>150</sup> Ngathi, “iBhayibhili lathi KwakunguNkulunkulu, uElohim.” Okuyikuthi, WayenguNkulunkulu uSomandla, uEl Shaddai, kunjalo, uMuphi waMandla, oSuthisayo. Ameni.

<sup>151</sup> O, ngizwa ngikholekile! Cabanga ngakho. Nanku lapha, Unguye. Manje ngizalitshengisa ukuthi UNGUBANI lapha, khonake lizabona ukuthi iNDODANA iNGUBANI. Lowo kwakunguJesu, Engakabi leBizo lomuntu, “Jesu.”

<sup>152</sup> Wema lapho emthonjeni ngalolosuku. Futhi bonke babenatha, liyazi, futhi, “Besiba lamanzi kwakuse nkangala,” lezinto ezinjengalokho. Wathi... Babesidla imana lezinto. Bathi, “Obaba bethu badla imana enkangala, okweminyaka engamatshumi amane.”

<sup>153</sup> Wathi, “Futhi bona, bonke, bafile.” Wathi, “NgiyiSinkwa sokuPhila esavela kuNkulunkulu, siphuma eZulwini. Lowo odla lesiSinkwa kasoze afe.”

<sup>154</sup> Bathi, “Awu, obaba bethu banatha kuMoya, eDwaleni lomoya elalisenkangala, elalibalandela.”

<sup>155</sup> Wathi, “Ngiyilelo Dwala.” Dumo! UJohane oNgcwele, isahluko 6.

“Ngani,” bathi, “ini?”

“Yebo. Kunjalo.”

<sup>156</sup> “Ngani,” wathi, “Wena u... Awukabi leminyaka engamatshumi amanhlanu ubudala.” Ngoba, umsebenzi Wakhe wamenza Wakhangeleka emdala kancinyane, kodwa Wayelamatshumi amathathu kuphela. Wathi “Ungumuntu ongakedluli iminyaka engamatshumi amanhlanu ubudala, futhi uthi wabona uAbrahama, owayefile okweminyaka engamakhulu

ayisificaminwembili kumbe amakhulu ayisificamunwemunye? Siyakwazi manje ukuthi ungudeveli."

<sup>157</sup> Wathi, "Engakabikhona uAbrahama, NGINGUYE." Nangu Elapho. Wayengubani uNGINGUYE na? IBizo eliqhubekela phambili kuzo zonke izizukulwane. Leyo kwakuyi...leyo Nsika yoMlilo esihlahleni esivuthayo, "NGINGUYE ENGINGUYE." Nango Elapho, leyo Tiyofani Ayenzayo lapha, ebizwa ngokuthi iNdodana kaNkulunkulu, uNGINGUYE, uJehova.

<sup>158</sup> UThomasi wathi, "Nkosi, sitshengise uBaba futhi kuzasisuthisa."

<sup>159</sup> Wathi, "Sengibe lani isikhathi eside kangaka, kalingazi Mina?" Wathi, "Lapho ubona Mina, ubona uBaba. Kungani usithi, 'Sitshengise, Wena, uBaba'? Mina loBaba siMunye. UBaba Wami uhlala Kimi. Ngilithabhanekeli nje elithiwa iNdodana. UBaba uhlala Kimi. Kayisimi engenza imisebenzi, nguBaba Wami ohlala Kimi. Wenza imisebenzi, hatshi Mina."

<sup>160</sup> Manje, emile emuva lapho, njalo, uMose Wambona, ingemuva Yakhe, wathi, "Wakhangleka njengemuva yomuntu," iLogos eyaphuma kuNkulunkulu.

<sup>161</sup> Khona-ke kwenzakalani? Lowu kwakunguNkulunkulu. Futhi isizatho Wasuka ekubeni yiLogos esiya enyameni... Ini...? Wenza kanjani...? Kwenzakalani kulokho? Imizuzu emihlanu phambi kwalokho, Wayeseyi...WayeyiLogos. Kodwa kuyini Akwenzayo? Wafinyelela nje...

<sup>162</sup> Manje, imizimba yethu yenziwe ngezakhamizimba ezitshiyeneyo ezelitshumi lesithupha zomhlaba. Siyakwazi lokho. Yenziwe ngepotashi, le—le—lecalcium encinyane, le—lepetroleum, lokukhanya kwezulu lomhlaba, lama athomu, lokunjalo. Konke kubotshwe ndawonye, futhi kwenza lumzimba, kuvela ethulini lomhlabathi. Udma ukudla. Lapho usidla ukudla, lokho kuntshintsha kube...ethulini, futhi kuvela ethulini, futhi nje ku—nje kuhamba khona kusiya. Inyama yakho, ngokuya kwenyama yakho, ayejhukananga leyebhiza, kumbe eyenkomo, kumbe loba yini okunye. Ilokhu iyinyama nje.

<sup>163</sup> Futhi, mfana, udumisa inyama; kodwa lowo moya ulomphefumulo phakathi lapho, mflowethu. Kunjalo. Kodwa inyama yakho iluthuli nje lomhlabathi, njengenyamazana. Inyama yakho kayedluli inyamazana. Futhi nxa ukhanuka inyama lento oyibonayo, ukhanuka abafazi, ukhanuka izinto zonke lezi ezechlukeneyo, kulokhu kuyinyamazana. Kunjalo. Kunjalo. Awufanelanga ukwenze. UMoya kaNkulunkulu uzakukhokhela futhi ukubeke endaweni ephakemeyo kualokho. Kunjalo sibili.

<sup>164</sup> Manje, futhi lapha, leyi Tiyofani enkulu imi lapho. Yini... Lowo Jehova Nkulunkulu omkhulu, liyakwazi ukuthi Wathini na? Welula lapho futhi wathatha ama-athomu ayingcosana, wathatha ukukhanya okuncinyane, futhi wakuthululela khona

phakathi, njengalokhu, wahamba, “Whew,” umzimba, futhi wangena phakathi kwawo. Yikho kuphela.

<sup>165</sup> Wathi, “Woza lapha, Gabriyeli,” leyo Ngilosi enkulu. Wahamba, “Whew.” “Ngena kulokho.”

<sup>166</sup> “Woza lapha, Mikhayeli,” iNgilosi kwesokunene Sakhe. “Whew.” Okwe...“Wena ngena kulokho.”

<sup>167</sup> UNkulunkulu, leNgilosi ezimbili, bahamba phansi lapha enyameni yomuntu, futhi banatha uchago oluvela enkomeni, wadla ulaza oluvela echagweni, futhi wadla isinkwa somumbu, futhi wadla inyama yethole. INgilosi ezimbili loNkulunkulu. IBhayibhili latsho njalo. Lowo nguMelikhizedeki, lowo uAbrahama ahlangana laye, evela ekubulaleni amakhosi. Leyo yiNdodana kaNkulunkulu.

<sup>168</sup> Qhubeka, lapha kumaHebheru, kwesesi 7, yathi, “Kodwa enziwe wafanana leNdodana kaNkulunkulu.” Nango lapha. Wenza izinto zonke Ngaye. Futhi Wahamba khona phandle lapho, futhi wantshintsha nje lolo thuli lwabuyela khona ethulini njalo, futhi wabuyela khona eNkazimulweni.

<sup>169</sup> Futhi iNgilosi, khonapho Sezikhulule uLothi loNkz. Lothi, futhi wayelokhu ekhangela ngemuva. Wathi, wabatshela ukuthi bengasakwenzi futhi. Futhi Zabuyela khona ebu—ebuKhoneni bukaNkulunkulu.

<sup>170</sup> Manje, kulithemba elikhulu elinganani esilalo kuloluKholo olukhulu esilukhonzayo lobubusuku! UNkulunkulu ophilayo, uJehova, iNsika yoMlilo, ikanye lathi. UyaZitshengisa emandleni, lasekwenzeni, futhi lokukhulisa...Wabavumela bathatha uMfanekiso Wakhe, uJehova ofanayo. INdodana kaNkulunkulu eyavela kuNkulunkulu, yabuyela kuNkulunkulu, futhi uhlala eBandleni Lakhe kuze kube ninilanini. Nango Yena lapho.

<sup>171</sup> Ulamabizo ethu eBhukwini Lakhe, lesifungo esifungiwe Nguye, ngoba akula omkhulu Angafunga ngaye, ukuthi Uzasivusa osukwini lokucina. “Lowo odla iNyama Yami, futhi anathe iGazi Lami, ulokuPhila okungapheliyo, futhi ngizakumvusa ngosuku lokucina. Lowo obuya Kimi, Angisoze ngimlahlele phandle. Lowo ozwa iLizwi Lami, futhi akholwe Kuye oNgithumileyo, ulokuPhila okungapheliyo, futhi akasoze abuye ekulahlweni, kodwa usedlule ekufeni waya ekuPhileni.”

<sup>172</sup> Lowo Ofanayo wayengafinyelela nje futhi athathethe icalcium eyingcosana lepotashi, athi, “Whew,” futhi nanko-ke njalo. Futhi ibizo lami liseBhukwini Lakhe. Ho-ho! Ho-ho-ho-ho! Ngilendaba lani ukuthi amahlombe ami asewele phansi njani, ukuthi sengiluphele kanjani? Ngeqiniso kangila ndaba. Ngitsho lokukhathazeka lakancinyane.

<sup>173</sup> Mfowethu Mike, ezinye zalezi insuku, busisa inhliziyo yakho, mfowethu, lapho lelocilongo elikhulu lizakuza, lowo msindo,

lalowo Josefa uzaphuma. Haleluya! Uzakuthi, “Bantwana!” “Whew.” Lapho sizakubakhona, senziwe emfanekisweni Wakhe; sesibatsha ninilanini, ukuluphala sokwedlule; ukugula, inhlupheko, izinsizi sezinyamalele. Udumo kalube kuNkulunkulu ophilayo!

<sup>174</sup> Lowo Nguye Akhuluma ngaye, lamuhla, iNDodana Yakhe. “Ngezikathhi zendulo langendlela ezitshiyeneyo Wakhuluma ngomprofethi, kodwa kulolusuku lokucina ngeNdodana Yakhe, uKhristu Jesu.” Ukhuluma enhliziyweni yomuntu wonke lowo Ambizileyo. Nxa wake wezwa iLizwi Lakhe kumbe Wamuzwa eqoqoda enhliziyweni yakho, ngiyacela ungaKwali.

Asikhulekeni.

<sup>175</sup> Baba oseZulwini, lobubusuku, lapho sijabula kangako ukubakwazi, ekuvulweni kwaliNcwadi yamaHebheru, ukuthi uPhawuli wabuyela njani emaVangelini. Wayengakuthathi nje phezu kokuzwa kukhulunywa kumbe phezu kwesehlakalo. Wayefuna ukuthi sibe kwazi lokho okwakuliQiniso. Futhi wabuyela khona emaVangelini, futhi wa... wabuyela kuThestamente eliDala, iVangeli elatshunyayelwa kubo. Futhi wabona, ngeThestamente eliDala lapho, amathunzi wonke lemianekiso. Yikho sileBhuku leli elikhulu lamaHebheru lobubusuku. Futhi siyaLibona, Nkosi, futhi siyaLithanda. Futhi ngasezikathini, Latshiswa, Lahlakazwa, Lazanywa ukuchithizwa, kodwa Lihhubekela phambili loba kunjalo. Ngoba Wena wathi, “AmaZulu lomhlaba kuzakwedlula, kodwa aMazwi Ami akayi kwedlula.”

<sup>176</sup> Khona-ke othandabuzayo uzakuthi, “Awu, wathi, ‘UPhawuli wabhala lokhu.’” Hatshi uPhawuli, kodwa uNkulunkulu owayekuPhawuli; lowo Muntu odalayo owayephakathi kukaPhawuli.

<sup>177</sup> Njengokwaku yikho kuDavida, lapho esithi, “Angisoze ngivumele oNgcwele Wami abone ukubola, futhi angisoze ngitshiye umphefumulo Wakhe esihogweni.” Futhi iNDodana kaNkulunkulu yathatha lawo Mazwi avela kulowo mprofethi, futhi wahamba khona esifubeni sesihogo. Futhi wathi, “Dilizani lelithabhanekeli, futhi Ngiza Livusa ngensuku ezintathu.” Futhi Wakwenza, ngoba iLizwi likaNkulunkulu kalingeke lehluleke; lokulichatshana okukodwa ngeke kwehluleke. Simbonga okunganani uNkulunkulu ngalokhu, liUrimi Thumimi enkuI, lokubakwazi ukuthi izehlakalo zethu lobubusuku, Nkosi, zibaneka khona kuleli Bhayibhili lapha! Sizelwe kutsha, siloMoya oNgcwele.

<sup>178</sup> Nkulunkulu Othandekayo, nxa kungaba lendoda kumbe umfazi phakathi lapha lobubusuku, umfana kumbe inkazana, ongakaze abone lokhu, bangavuka njani nxa kungelaMpilo phakathi lapho? O, bathi, “NgileMpilo.”

<sup>179</sup> Kodwa iBhayibhili lathi, “Lowo ophila phakathi kwentokozo ufile lapho esaphila. Uthi uleMpilo, kodwa ufile. Uyazitsho,” latsho iBhayibhili, “ukuthi uleMpilo, kodwa ufile. Wena uthi unothile futhi awusweli lutho; kodwa awukwazi ukuthi uyahawula, futhi ungumyanga, unqunu, uyisiphofu, futhi awukwazi.” Futhi leso yisimo samabandla lobubusuku, Nkosi. Ukuthi beqa kanjani lezi ezinkulu, izinto eziqakathekileyo.

Ukubakwazi ukuthi uJehova omkhulu uNkulunkulu, Ongaletha kuphela nge...Wathi, “Lethani Kimi lezo nhlanzi ezincinyane.” Wenza okokuthatha inhlanzi ukuba e—enze enye into ngazo. Kutshengisa, ukuthi ukuvuka kwakufanele kube ngenye into, yokwenza enye into ngayo. Akenzanga inhlanzi kuphela, kodwa Wenza inhlanzi eziphekiweyo, lesinkwa esiphekiweyo. Futhi Wanika ukudla inkulungwane ezinhlanu ngenhlanzi ezincinyane ezinhlanu...amalofu amancinyane lenhlanzi ezimbili. O Nkosi, kwakusezandleni Zakhe, futhi WayenguMdali. Kodwa kwakufanele Abe lenye into esandleni Sakhe.

Nkulunkulu, masizibeke ezandleni Zakhe, lobubusuku, futhi sithi, “O Nkulunkulu, ngithathe njengalokho engiyikho. Futhi lapho isiphetho sempilo yami silapha, mangihambe kanye lalelithemba elaliphakathi kwami, ngisazi ngizelwe kutsha, futhi uMoya Wakho ufakazelane lami, futhi wafakaza lomoya wami, ukuthi ngiyindodana Yakho, kumbe indodakazi Yakho.” Futhi ngalolosuku lokucina, Uzakubavusa. Siphe khona, Baba.

<sup>180</sup> Futhi lapho sisakhothamise amakhanda ethu, kungaba khona oyedwa ongaphakamisa isandla sakho, uthi, “Ngikhumbule, Mfowethu Branham, emkhulekweni. Ngifuna uNkulunkulu abe ngazi lapho...ngingakatshiyi lumhlaba, ukuthi Uzakuba ngazi kangako okokuthi Uzabiza ibizo lami. Ngizaphendula.” INkosi ikubusise ndodana. UNkulunkulu akubusise, lawe; lawe, nkosikazi. Omunye njalo? Phakamisa isandla sakho nje. Uthi, “Ngikhulekele, Mfowethu Branham.” Yikho lokho esizakwenza. UNkulunkulu akubusise, nkosikazi omutsha. Kuhle lokho.

<sup>181</sup> Manje, lapho ikhanda lakho likhothanyisiwe, ukhuleka, ngizahlabela indima yalingoma:

Ungafisi linotho yalumhlaba eyize,  
Leyo ebola ngokuphangisa kangaka,  
Yakha amathemba akho ezintweni  
ezilaPhakade,  
Kazisoze zedlula!

Bambelela esandleni	sikaNkulunkulu
esingaguqukiyo!	
Bambelela esandleni	sikaNkulunkulu
esingaguqukiyo!	

Yakha amathemba akho ezintweni  
 ezilaPhakade,  
 Bambelela esandleni sikaNkulunkulu  
 esingaguqukiyo!

<sup>182</sup> Lapho esakhala kathesi, lekhanda lakho likhoheme, ungelula isandla sakho usiphakamise, uthi, "Yebo, Nkosi, nansi esami?" Kuyini esizakwenza? Sizatshengisa umoya wakho, kuwe, wenze isinqumo. "Ngifuna isandla Sakho, Nkosi." UNkulunkulu akubusise, nkaZana encinyane. "Ngizaphakamisa esami isandla." UNkulunkulu akubusise, nkaZana encinyane, phansi lapha. Kulungile lokho, sithandwa. UNkulunkulu, uyazi, uyajubula ukukubona usenza lokho. "Vumelani abantwana abancinyane babuye Kimi."

<sup>183</sup> "Ngifuna, Nkulunkulu, Wena ukuthi ubambe isandla sami. Futhi ngalolosuku, ngifuna ukuba sesandleni Sakho; ukuthi, lapho Ubiza, ngizabuya." Yebo, njengalokho uLazaro ayeyikho. UNkulunkulu akubusise, dadewethu.

Lapho uhumbo lwethu soluphelile,  
 Nxa kuNkulunkulu ubuquinisekile,  
 Elihle lelikhazimulayo ikhaya lakho  
 eNkazimulweni,  
 Umphefumulo wakho ohlwithiweyo  
 uzakubona.

Kuyini ozakwenza kathesi, ke?

Bambelela esandleni sikaNkulunkulu  
 esingaguqukiyo!  
 Bambelela esandleni sikaNkulunkulu  
 esingaguqukiyo!  
 Yakha amathemba akho ezintweni  
 ezilaPhakade,  
 Bambelela esandleni sikaNkulunkulu  
 esingaguqukiyo!

<sup>184</sup> Baba oseZulwini, izandla ezinengi ziphakeme, kulumhlangano omcinyane, lobubusuku, ukuthi bafuna ukubambelela, lobubusuku, okwesandla Sakho esingaguqukiyo, isandla esilaPhakade. Sikwazi ukuthi kuyini okunikezwe Kuwe...Wathi, "Ngi...Konke uBaba Anginike khona kuzakuza Kimi, futhi akula lamunye wabo ozalahleka. Futhi Ngizakubavusa osukwini lokucina. Kabasoze babhubhe, kabasoze babuye ekwahluleweni, kodwa balelaPhakade, iMpilo elaPhakade." Futhi kuleMpilo elaPhakade eyodwa. Leyo ivela kuNkulunkulu, yedwa. KunguNkulunkulu. Futhi siba yingxene kaNkulunkulu, okokuthi singamadodana lamadodakazi kaNkulunkulu. Lapho siloMoya kaNkulunkulu kithi, sicabanga njengoNkulunkulu. Sicabanga ngokulunga lobungcweli, futhi sizama ukuphila ukuba siMthokozise.

<sup>185</sup> Siphe, Nkosi, ukuthi lolohlobo lweMpilo luzangena umuntu wonke ophakamise isandla sabo. Futhi lalabo abakade befanele ukuphakamisa izandla zabo, futhi abazange, ngiyakhuleka ukuthi Uzakuba labo. Siphe khona, Baba. Futhi lapho uhambo soluphelile, impilo isiqediwe, masingene ekuthuleni ngalolosuku, kanye Laye, lapho esingasoze saluphala khona, asisoze sigule, akusoze kube lohlupho. Kuze kube leso sikhathi, sigcine sithokoza futhi sjabula, siMdumisa, ngoba siyakucela khona eBizweni Lakhe. Ameni.

<sup>186</sup> Lina lonke makholwa, manje, kasiphakamiseni izandla zethu futhi sihlabele leyo khorasi.

Bambelela	esandleni	sikaNkulunkulu
esingaguqukiyo!		
Bambelela	esandleni	sikaNkulunkulu
esingaguqukiyo!		
Yakha	amatembha	akho ezintweni
ezilaPhakade,		
Bambelela	esandleni	sikaNkulunkulu
esingaguqukiyo!		

<sup>187</sup> Manje asiyivungameni. Lapho lisenza lokho, umakhelwane wakho, uthi, “UNkulunkulu akubusise, makhelwane.” Xhawulana izandla lomuntu ohlezi eceleni kwakho. “UNkulunkulu akubusise.” Kumacele wonke amabili. Kumacele amabili, xhawulanani izandla. “UNkulunkulu akubusise, makhelwane. UNkulunkulu abe lawe.” “Yakha amatembha akho ezintweni ezilaPhakade.”

Doc, ngiyakwazi ukuthi kukhona lapho, mfowethu. Ngiyakwazi ukuthi wawulapho, Mfowethu Neville, kudala.

Lapho uhambo lolu soluphelile,  
Kuza kwenzakala, ezinye zalezinsuku.

Nxa kuNkulunkulu besiqinisile,  
Sizabona uMfowethu Seward lapho.

Kukhanya	lokukhanya,	ikhaya	lakho
eNkazimulweni,			
Umphefumulo	wakho	ohlwithiweyo	ozakubona.

Bambelela	esandleni	sikaNkulunkulu
esingaguqukiyo!		

Ngiyathanda lokho kukhonza, emva kombiko.

Bambelela	esandleni	sikaNkulunkulu
esingaguqukiyo!		
Yakha	amatembha	akho ezintweni
ezilaPhakade,		
Bambelela	esandleni	sikaNkulunkulu
esingaguqukiyo!		

Isikhathi        sigcwele        ngokuguquka  
                   okuyisiphangi phangi,  
 Akula        lutho        lomhlaba        olunyikinyayo  
                   oluzakuma  
 Yakha        amathemba        akho        ezintweni  
                   ezilaPhakade,  
 Bamba . . .

Kasibambeni umbono Wakhe, Lowo ongabonakaliyo phakathi khathesi, futhi siMkhonze khathesi lapho sihlabela.

Bambelela        esandleni        sikaNkulunkulu  
                   esingagaguqukiyo!  
 Bambelela        esandleni        sikaNkulunkulu  
                   esingagaguqukiyo!  
 Yakha        amathemba        akho        ezintweni  
                   ezilaPhakade,  
 Bambelela        esandleni        sikaNkulunkulu  
                   esingagaguqukiyo!

Ukuthula!        Ukuthula!        Ukuthula  
                   okumangalisayo,

Mkhonze nje khathesi.

Kusehla phansi . . .

Umbiko usuphelile. Sokuyikukhonza.

Khukhula phezu kwemimoya yethu ninilanini,  
                   ngiyakhuleka,  
 Emagagasini angalinganisekiyo othando.

Uzihlanze nje Kuye.

Ukuthula!        Ukuthula!        Ukuthula  
                   okumangalisayo,  
 Kusehla phansi kuvela . . .

Lowo Mthombo omkhulu, uyavuleka.

. . . phezulu;  
 Khukhula phezu kwemimoya yethu ninilanini,  
                   ngiyakhuleka,  
 Emagagasini angalinganisekiyo othando.

Akwenzi nje lokho enye into na?

. . . Ukuthula okumangalisayo,  
 Kusehla phansi kuvela kuBaba wethu Phezulu;  
 Khukhula phezu kwemimoya yethu ninilanini,  
                   ngiyakhuleka,  
 Emagagasini angalinganisekiyo othando.

Akula enye into mayelana Ngakho, kunothile kumnandi na?

<sup>188</sup> Ngingazi nxa kulomuntu ogulayo ofuna ukugcotshwa lokukhulekelwa. Nxa ekhona, fumana nje indawo yakho. Leyi yinkosikazi esesihlalweni esilamasondo lapho? Mekeleni nje

ahlale. Ngizabuya, ngimkhulekele. Akadingi ukuthi asukume esitulweni. Omunye?

O, awuyithandi lingxenye yenkonzo na? Bangaki abezwayo, abaziyo nje ukuthi uBukhona bukaNkulunkulu bulapha? Yikho lokho engikhuluma ngakho. Lowo ofanayo... Uzwa njengokuthi... Bangaki abezwa njengokuthi ungaklabalala na? Manje masiboneni nje. Kuzwakala njengokuthi enye into kuwe ifuna ukuklabalala. Bona?

Yikuthula!	Ukuthula!	Ukuthula
okumangalisayo,		
Kusehla phansi kuvelala kuBaba Phezulu;		
Khukhula phezu komoya wami ninilanini, ngiyakhuleka,		
Emagagasini angalinganisekiyo othando.		
Khazimula phezu kwami,		

<sup>189</sup> Lapho sisasekukhonzeni, sizakugcoba abagulayo khathesi, futhi sibakhulekele. Ngezake ubuye khona ngakulindlela, nkosikazi na?

<sup>190</sup> Kutsho ukuthini lokhu? "Umkhuleko wokholo uzakusindisa abagulayo." Umuntu wonke emkhulekweni khathesi, vungamani leyo ngoma nje. Cabanga ngoJesu esilisa abagulayo.

Mgcobeni ngamafutha . . . ? . . .



*AMAHEBHERU, ISAHLUKO SOKUQALA* NDE57-0821  
(Hebrews, Chapter One)

UKULANDELANA KWENTSHUMAYELO YEBHUKU LAMAHEBHERU

LuMbiko ngo Mfowethu William Marrion Branham, watshunyayelwa okokuqala ngeSilungu ngoLwesithathu ntambama, Ncwabakazi 21, 1957, eBranham Thabhanekeli eJeffersonville, Indiana, U.S.A., wathathwa kusuka kuthephu warekhodwa lokudindwa ngeSilungu kungela kuphungulwa. Ukuchasisa lokhu ngesiNdebele seNyakatho kwadindwa lokwabelwa ngabe Voice of God Recordings.

NDEBELE

©2022 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE  
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## **Isaziso ngelungelo lokwenza**

Amalungelo wonke agodliwe. Leli ibhuku lingadindwa ngomtshina wokudinda owangekhaya ngokuzisebenzisela, kumbe ukwabela, kungela mbadal, njengesikhali sokusabalalisa iVangeli lika Jesu Khristu. Leli ibhuku alingeke lathengiswa, kumbe landiswe ngesimo esikhulu, lisakazwe kuwebhusayithi, ligcinwe endaweni lapho elingaphinda litholakale, lichasiswe ngezinye izilimi, kumbe lisetshenziswe ekucele ni izimali kungela mvumo elotshiweyo ngabe Voice Of God Recordings®.

Ukuze uthole ulwazi olunengi kumbe ezinye izinto ezikhona ezelusizo, siyacela thinthaba:

**VOICE OF GOD RECORDINGS, ZIMBABWE OFFICE  
8 ST. ANNES ROAD, AVONDALE, HARARE, ZIMBABWE**

**VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)**